



西湖志

ル 5
1100
4





西湖志卷之七

隄塘

附堰閘壩

稼地之掌在謹瀦防蓋有川谷以導其氣必藉陂塘以鍾其美西湖自有南笕北函以來瀕湖之田既蒙其利乃復興廢不常非守土者之責歟為畜洩為隄防凡湖波所屆循源以竟委備志之以見聖朝修舉之無失墜云志隄塘

白沙隄

俗稱白公隄自斷橋起迤邐經孤山至西

泠橋止徑三里餘唐時稱白沙隄宋時稱孤山路



咸淳臨安志在孤山之下北有斷橋南有西泠橋

其西為裏湖今稱後湖以在孤山之後故云樂天詩誰開湖寺西

南路草綠裙腰一道斜自注云孤山寺路在湖洲

中草綠時望如裙腰舊志謂淳祐志

萬曆錢塘縣志歲久隄圯萬曆十七年司禮監孫

隆修築壘石砌梁雜植花木又名十錦塘亦名石徑塘

隄中重建望湖亭并建錦帶橋垂露亭為一湖之

勝袁宏道西湖雜記望湖亭接斷橋一帶隄甚工

隄邊白石砌如玉布地皆軟沙杭人曰此內使孫公所修飾也此公大是西湖功德主自昭慶淨慈

龍井所施不下萬計余謂白蘇二公西湖開山古

佛此公異日伽藍也毛奇齡西河詩話杭州錢塘

湖中有一隄穿於湖心作志者初稱白隄後稱白

公隄謂白樂天為刺史時所築及讀樂天杭州春

望詩有云誰開湖寺西南路草綠裙腰一道斜則

並非自築蓋未有已所開隄而反曰誰開者也且

詩下自注云孤山寺路在湖洲中草綠時望如裙

腰是必前有此隄而故註以証已詩其又非初開

可知也是以張祐詩云樓臺映碧岑一徑入湖心

其詩不知何時作但樂天出刺杭州在長慶末而

陸魯望每推祐為元和詩人則此隄非長慶後所

築斷可知矣嘗考此隄名白沙隄樂天錢塘湖隄

春行詩云最愛湖東行不足綠楊影裏白沙隄則

意此隄本名白沙或有時去沙字單稱白隄而白

字恰與樂天姓合遂誤稱白公隄有時去白字單

稱沙隄如樂天又有詩云十里沙隄明月中是一

沙隄不得稱宰相隄也周紫芝中秋步湖隄詩門

接銀湖浪居仍在寶坊更煩山吐月來共水分光
 葉冷初翻夜蟲吟擬泣霜幽人看不足白露滿琴
 淋俞灝湖隄晚行詩嘆色俄從草色生管絃羅綺
 盡歸城不應閒卻孤山路我自扶藜月下行黃省
 曾段家橋步至孤山詩少有巖壑性一往不可移
 心駭雲臺宅願逸霞林居晨興詠邁軸春賞下招
 提凌湖散幽趾屬島登青梯今栽非昔萼新宮仍
 往基清瀾曳遠岸列嶂環眾奇蕭榛惻虛隴高尙
 企襟期龍盤大海愜鳳謝尉羅宜景爾徵士踪臨
 風感脚躅王瀛白隄閒步詩春風過柳柳如練放
 鶴亭邊入斷橋日暮長隄更回首前朝宮殿草蕭
 蕭王穉登十錦塘詩湖邊綠柳映紅闌日日尋芳
 碧水灣春滿好懷遊意懶鶯撩吟興客情閒波中
 畫舫樽中酒隄上行入岸上山無限風懷拚一醉
 醉看舞蝶繞花間陸嘉淑孤山至白沙隄詩陟巘
 下崇嶺遵夷就回岸虛境阻孤山曲隄帶長澗積
 水菱芡鮮泳渚鳧鷺亂時時孤棹出習習羣牧散
 空水不盡處雲烟自流浪平阜無淹景石梁暢遲

玩平生林澗娛澹遠協幽讚棲隱志未違
 登眺情獨惋請同散髮賢臨流念游歎

國朝雍正二年奉

詔興西湖水利鹽驛道王鈞捐資助濬出湖中葑草運

於各舊隄上加廣丈餘加高二尺餘釘椿貯土鋪

沙磴石視昔有加四年冬告成五年巡撫臣李衛

飭屬員補植花木桃柳間發芙蓉映水煥若圖畫

爛如錦屏行人嬉遊魚鳥咸若殆無日不在光風

熙皞中也

謹按自宋咸清時潛說友作臨安志吳自牧作夢
 梁錄周密作武林舊事明洪武時陳循作寰宇通

志成化中夏時正修杭州府志俱稱孤山路嘉靖中田汝成作西湖遊覽志萬曆中陳善修杭州府志並失載孤山路而白沙隄之名遂泯至萬曆中錢塘令聶心湯作縣志從俗稱白公隄而後之修志者咸指此隄為白公所築殊不知白沙隄之名已見于公詩則白公之前先有此隄矣

白公隄 在錢塘門北由石函橋北至餘杭門築以

蓄上湖之水漸次以達於下湖新唐書白居易傳

居易外遷杭州刺史始築隄捍錢塘湖

謹按此隄當名白公隄實白公所築與白沙隄絕不相涉今石函橋外隄跡猶存而白公之名竟泯矣特拈出之

蘇公隄 隄有六橋南自南屏北接岳廟前橫截湖

中宋元祐間蘇公軾所築也咸淳臨安志元祐中

東坡既奏開浚湖水因以所積葑草築為長隄起

南訖北橫跨湖面綿亘數里夾道雜植花柳中為

六橋詳橋梁志行者便之坡嘗賦詩云六橋橫絕天漢

上北山始與南屏通忽驚二十五萬丈老葑席卷

蒼烟空嗣郡守林希榜曰蘇公隄邦人祠公隄上

蘇轍兄東坡先生墓志杭州西湖南北三十里環湖往來終日不達先生既去葑田葑草如雲乃積之湖中為長隄一以通南北後十年郡守呂惠卿

奏毀之隄間齧於水郡常隨時修治訖岡克久咸

淳五年朝廷給錢命守臣潛說友增築載礮運土

填窪益庳高二丈袤七百五十八丈廣皆六十尺

隄舊有亭九亦治新之仍補植花木數百本

楊慎

始末東坡先生在杭州潁州許州皆開西湖而杭之西湖尤偉其詩云我在錢塘拓湖滌大隄士女爭昌丰六橋橫絕天漢上北山始與南屏連忽驚二十五萬丈老葑席卷蒼烟空此詩史也而注殊略今按宋長編云杭本江海之地水泉鹹苦唐刺史李泌始引西湖水作六井故井邑日富及白居易復浚西湖所溉千餘頃然湖水多葑近歲廢而不易復浚西湖葑積二十五萬餘丈而水無幾矣運河失湖水之利則取給於江湖湖渾濁多淤河行闔閩中三年一淘為市井大患而六井亦幾廢公始至浚茅山鹽橋二河以茅山一河專受江湖以鹽橋一河專受湖水復造堰閘以為湖水蓄洩之

限然後潮不入市間至湖上周視良久曰今願去葑田葑田如雲將安所置之湖南北三十里環湖往來終日不達若取葑草積之湖中為長隄以通南北則葑田去而行者便矣隄成杭人名之曰蘇公隄云合是觀之則公之有功杭人大矣余昔在京問之杭之士夫亦不知今闕公詩注亦略故詳注之嗚呼治水之難久矣宋之世修六塔河二股河安石以范子淵李仲昌專其事聽小人李公義宦官黃懷忠之言用鐵龍瓜濬川耙天下皆笑其兒戲積以數年糜費百十萬之錢穀漂沒數十萬之丁夫迄無成工而猶不肯止至其績敗功圯而人李清臣為考官猶以修河策問欲掩護之甚矣宋之君臣愚且戇也如東坡杭湖穎湖之役不數月間而成不世之功其政事之才豈止什伯時流乎公又欲鑿石門山運河以避浮山之險當時妬者盡力排之又欲於蘇州以東鑿挽路為千橋以迅江勢亦不果用人皆恨之隱難平者事古今同一慨矣夏時湖山勝概記蘇公所築之隄亘十

里以防澗水行者便之上有六橋橋覆以亭堤間
桃柳芳草鋪茵芰荷簇錦則其當時民物之阜風
俗之美政教之行槩可想而見西湖遊覽志南渡

使惠卿有知則含羞於地下矣

後隄橋成市歌舞叢之走馬遊船達旦不息歲久
弗治兩湖之濤日淫嚙之隄漸廉削成化已前裏

湖盡為民業六橋水流如綫楊孟瑛闢之西抵北

新隄為界增益蘇隄高二丈闊五丈三尺列插萬

柳頓復舊觀久之柳敗而稀隄亦就圯嘉靖十二

年縣令王鈇令犯人小罪可宥者得雜植桃柳為

贖自是紅翠爛盈燦如錦帶矣吳鼎西湖桃柳記
宋蘇子瞻守杭日

既浚西湖築隄樹桃柳世稱蘇隄東四百餘載

剪伐衰耗可知已今上登極之十一年侯官王君

為錢塘令循行故隄歎曰仁侯之迹也而湮廢至

此乎問課民補樹柳若干桃居其半君過之喜曰

是不足想見坡公風教耶好事者寫為王隄桃柳

哀諸賦咏志去思云往予從君觀隄上予請數所

植樹籍而藏諸掌故禁後世毋樵伐君笑不應今

春予過之屬桃柳盛布而王君令德不復可親炙

令人思封植嘉樹以毋忘遺澤雖然邑中父老子

弟孰不如我而奚俟禁之毋剪伐哉又安知後之

人不續樹以紹君美如君之紹蘇公者耶詩云我

躬不閱遑恤我後言君子患其無以示民毋憂

去後變置其法也昔者君不我應有以夫君去之

明年為嘉靖十六年其夏五月已卯朔故民吳鼎

記 錢塘縣志王鈇夾隄種植桃柳後為兵燹所戕

葉茵蘇隄詩南北山
圍翡翠隄隄邊綠漲

軟琉璃參差臺榭無餘地雜沓輪蹄了四時楊柳
 又多前日樹梅花祗少近人詩停篙不看春風面
 閒伴漁翁理釣絲周紫芝蘇隄詩翰林一去幾經
 秋猶有平隄遠碧流誰向西州還度曲此翁零落
 已山邱葛天民湖隄晚步詩照影憐寒水關情奈
 夕陽雪慳天欠冷年近日添長好句誰相寄浮生
 各自忙有身聊頓放無事可思量又雨中過蘇隄
 詩一隄楊柳占春風柳外羣山細雨中人苦未晴
 渾不到只宜老眼看空濛吳仲孚蘇隄清明卽事
 詩梨花風起正清明游子尋春半出城日暮笙歌
 收拾去萬株楊柳屬流鶯元淮蘇隄秋晏詩二首
 南北高峰鎖翠屏山藏樓閣帶烟輕欲凋楊柳猶
 貪舞半破芙蓉老未成波底畫橋天上動樹邊金
 翠鏡中行水晶萬頃浮波面照出孤山分外清誰
 築長隄壯錦城東坡千古得嘉名拒霜夾岸同丹
 綺水鏡周迴類月明白日黃雞呼妓唱紅螺紫蟹
 就船烹我來祗賦西湖水還有高人鑒此情宋元
 蘇隄詩漢苑花何處唐陵柏已空相逢大隄上令

我憶蘇公吳漢浩與張伯雨蘇隄暮歸詩柳絲澹
 蕩雨霏微隔水遙看羽蓋飛馬上仙人強支酒踏
 花何處晚來歸仇仁近游蘇隄詩斜堤高柳綠連
 天且繫遊人書畫船花事已空三月後湖光還似
 十年前洛陽園囿留詩在江左風流託酒傳我亦
 叩舷歌一曲恐驚沙上白鷗眠孫一元蘇隄閒步
 詩十里飛花送酒卮六橋兒女踏春祠無人會得
 漁翁意獨立晴湖照影時張時微過蘇隄見桃花
 詩湖上春雲生晝寒落花飛絮各漫漫六橋東下
 樹千箇獨倚斜陽子細看王瀛蘇公隄詩老去尋
 芳信杖藜從容踏遍短長隄陰濃烟柳藏鶯語香
 散風花逐馬蹄十里平分湖裏外六橋只隔岸東
 西坡公遺惠今猶古薄暮歸來醉欲迷樊良樞早
 春看蘇隄一帶植桃柳詩老梅飄雪點長隄苑柳
 天桃樹樹齊錦作河陽晴帶郭春歸彭澤早成蹊
 激流淡月浮空水映竹孤雲上遠溪遮莫湖中公
 事了聽鶯常傍六橋西萬達甫春日蘇隄詩野渡
 春花香滿隄花陰深處聽黃鸝晴郊日日笙歌擁

踏破紅塵五色迷張洙蘇隄行樂詩明湖開玉鏡
 十里跨長虹徑接兩山路光搖一水中柳疑隋岸
 綠桃借漢林紅地入方蓬界山圍錦繡叢淡粧西
 子態玉樹麗華容花點歌姬扇楊穿俠客弓酒依
 金谷數興與曲江同今日樂相樂年光不易逢香
 容蘇隄行春堤十里平如掌水色山光清復爽映
 面花紅焰焰開分袍草綠萋萋長六橋宛轉飲長
 虹踏草穿花興正濃橋上香車看未足隄邊畫舫
 又相逢蘇公當日曾築此不為遊觀為民耳好山
 好水兩相遭花晨月夕何時已自古名賢利澤多
 所到功成蹟不磨不見彭城築隄捍河水千載猶
 傳河復歌汪泐蘇隄晚步詩散步逐斜照行吟起
 暮霞水光遙錯錦山色淡籠紗浴鷺寒翻雪霜苔
 靜有華翠鈿何處拾愁絕有歸鴉陸嘉淑蘇隄詩
 蘇公三作西湖長此湖名勝真無兩清潁披雲不
 足論長隄千古人爭賞隄上春風三月天花明柳
 暗草芊芊乍逢寶馬垂鞭影已過香車拾翠鈿自
 從海晏鯨波息江南無事寬民力遊人日日踏歌

來湖如西子重生色更開江北頹河清桃花水
 落地中行萬隄多似此隄好北去南來無限情

國朝雍正二年與白沙隄同時修築五年同植花木輔

狹為廣益卑使高比白沙隄倍之每春秋佳日紛

紅駭綠散綺堆黃拒霜艷發紅粧倒映舟行裏外

湖間花光雲影合匝數重畫閣雕闌連延十里不

啻置身十洲三島間誠湖中勝概也

趙公隄 宋時稱小新隄路通靈竺咸淳臨安志淳

祐二年趙安撫與篋築自北山第二橋至麴院步

夾岸植柳如蘇隄半隄作四面堂一亭三以憩遊

人咸淳五年併行修築聚土增高通二尺許袁凡

二百五十丈廣皆二十五尺其費亦朝廷所給賜

也西湖遊覽志趙與簾作自北新路第二橋至麴

院築隄以通靈竺之路以比蘇隄人遂稱趙公隄

七修類稿裏湖橫築以通靈隱之隄乃清祐間趙

與簾所築予意當稱趙隄今混以蘇名非也丁文策小

新隄泛舟詩二首湖上新晴好臨流曉放船兩峰

開遠嶂一水蕩遙天風滴花間露人衝柳外烟珠

簾猶未卷寂寞尚高眠又逐笙歌出春風事事齊

一年芳草路十月柳條隄畫舫吹龍笛香車逐馬

蹄不知門候禁

酣飲月輪西

楊公隄 在裏湖西岸與蘇隄相對西湖遊覽志知

府楊孟瑛既開西湖遂築此隄俗稱裏六橋是也

然近北山三橋宋時已有之楊公所築特南山三

橋耳惜乎其名不立無以匹配蘇隄今為擬定之

橋名詳
橋梁志

國朝雍正二年修築湖隄增闊加高亦如白蘇二隄緣

隄在裏湖經行者稀且近居民田桑之地故不復

補植花木云

金沙隄 在蘇隄之西自東迤西與趙公隄故址相

近雍正九年三月總督臣李衛肇建於西湖之金沙港以通裏六橋蓋以其地為靈隱澗泉入湖之所舊為澄潭數年以來金沙漸積方廣成區塏爽高明光彩照耀若天作而地藏之者因於蘇隄東浦橋之旁築新隄以達祠宇中建玉帶橋飛亭高騫文石密礮以利舟楫以通車馬隄廣三丈餘長六十三丈夾樹花柳聯絡映帶

上塘 仁和縣志舊名夾官河一名運河西白德勝

橋東抵長安壩南通外沙河前沙河後沙河與蔡

官人塘河東經赤岸施何村方興兩岸田何生千

頃天順間杭州知府胡濬以父老郎遲言與知縣

周博親自計度近湖民田多寡起夫開濬仍修覓

開堰壩以時啟閉使旱潦不苦盈涸

陳芳生上塘河工議仁和

田土有上下塘之分而旱潦因之異焉下塘苦潦患在下流之不速上塘苦旱失在隄防之不修上塘之所恃以為隄防者東新關至長安一塘塘自半塘以下石脚堅固不患坍塌自金家堰以上漸見低狹由李王塘而上有傅家莊有皋亭開有沈家灣王家缺等處緯路全無淫潦之時上水與下水相接及至旱乾始見塘址而已塘愈毀則蓄水愈少長夏之際三四日不雨亦天道之常以他處視之未可言旱而上塘略一車屏河底龜坼此上塘苦旱不待乎果旱也前輩人常數十年不憂

旱今歷指數十年來河底成陸者已屢見可見塘
 路之壞至令益甚使再遲數年不知當更何如大
 約塘之所以壞者其故有四一為坐里之偏累仁
 和之例每貼塘圖里派修本里塘路其塘近山有
 石脚者永無坍塌損其近夾河或近下河者塘身單
 薄無年不壞無年不修其值年之知為年年不
 得不修之工只求苟免目前以了故事積年彌久
 塘身彌壞今并塘路事故址淪沒水中則其為工豈
 苟且塞責者所能從事哉一為鄉人之淺見從來
 兵甲所過多取道此塘附塘居民方以塘之盡廢
 為幸而敢復言修築乎一為富豪之分水利明萬
 曆間有富人附塘開私河數里鑿塘引水下灌低
 田數十頃初時築塘架橋石砌堅固視上水之高
 低為版開之啟閉是於彼有全利而於上塘之蓄
 洩無少害也經久不修塘遂大壞始之為上河閉
 插以蓄水者今任水之從私河下洩而無所阻遏
 及上河已乾而彼之畝引如故今其田之膏腴尚
 無恙而上河陰受其害而不知一為奸人之私決

上水驟決則下水之魚必逆乘而上奸人當驟漲
 之時略一挖損上水怒瀉直可引大湖大魚而網
 之故皋亭決口屢不能塞而鄉人且以為有鬼怪
 於其間則甚惑已愚竊謂修塘之責當屬之於官
 塘之宜修皆上塘都里之任宜自東新關至李王
 塘止清量塘身丈尺估度工價上塘每里派辦塘
 工銀幾兩三年與地丁銀兩併徵在官有司當水
 淺之時計丈分雇民修築取河之土以附塘塘
 益高則河身益寬塘成之後每年仍計畝加稅釐
 許積貯以爲開浚修築之用而塘上所有漁戶則
 令逐年輪掌如向時派里修塘故事每當水長有
 司輕舟巡視其水平隄者籍其地段丈尺督令培
 土下次巡視亦如之是雖無年不修而所費亦省
 塘益堅完其逐年計畝加稅則每當水涸農暇雇
 民開浚視全河之淺深塘身之厚薄為有司考成
 殿最誠如是則上與下各有其責無敢戲豫從事
 而用民以漸民力不至於匱
 所利之溥豈特上塘而已哉

西湖志 卷一 二
雍正五年二月初九日

上諭浙江杭嘉湖三府上年秋冬之間雨水稍多收成略覺歉薄今年青黃不接之時已令地方官酌量平糶以濟民食但念米價雖不致昂貴而無力窮苦之民本無糶米之資甚屬可憫着動庫銀四萬兩令巡撫李衛會同將軍鄂彌達觀風整俗使王國棟悉心酌量於地方開濬河道或修理城垣隄岸令小民就近傭工藉以餬口倘四萬金尙不敷用着李衛等再行具奏請旨特諭巡撫臣李衛欽奉

上諭會同將軍鄂彌達觀風整俗使王國棟分府查勘支動正項錢糧自修城垣浚河道外凡隄岸緊要所在遇有坍塌處悉行修築以仰承

皇上惠萬民經久遠至意於雍正七年訖工

下塘

咸淳臨安志南自天宗水門

已餘杭水門即武

林門二河合於北郭稅務前由清湖堰開至德勝橋

與城東外沙河菜市河泛洋湖水相合分爲兩派一由東北上塘過東倉新橋入大運河至長安閘入嘉興舊運河一由西北至德勝橋上北城堰過

江漲橋喻家橋北新橋以北入安吉州界田下塘

河高翥下塘河詩二首河水新添三尺高河邊蘆葦似龜巢波流夜夜漂魚箔空點藍燈照樹梢

日出移船日又斜蘆根時復見人家水鄉占得秋

多少岸岸紅雲是蓼花張洌泊下塘河詩岸削舟難繫時平水不波與鷗

分渚宿記取下塘河

宦塘 咸淳臨安志在餘杭門外板橋之西淳祐七年亢旱趙與簞開浚以通米舟仁和縣志在北新

橋西北接連運河大塘長三十六里其西又有一

塘曰西塘長十八里抵安溪通四安驛路

陳善三塘論仁和之水其河渠之大者有三曰上塘曰下塘曰宦塘上塘自艮山門迄長安壩下塘自北關迄大麻

村宦塘自高橋迄鳳口洪流巨浸分爲支河者無

算旁近之上田仰以給溉潤焉下塘之水仰視上

塘其高下相去或七八尺蓋總繫一塘爲利害而

塘岸淺薄一值水溢卽有盜決之患長流百十里

數日可以徒涉其故蓋緣近塘蓄魚諸戶懼水溢

則魚逸一也渡子藉以邀利二也三老儕類值役

夫修築之頃相比爲奸三也以故歲數崩潰而通

塘土石駸就滅損視之昔年五馬並駕之途不啻

失半矣是以上恒苦旱下恒苦潦其爲一方之患

害匪細也往昔所置七筓四閘取以洩水然筓底

過深漏卮易盡閘門太狹橫流致阻宣導之法似

尙未周謂宜自沈塘灣迤北至長安壩相度便形

更置大閘十所擬議水則中立滾壩俾水溢則行

踰則止如此則盜決之謀旣已默杜而且分理授

西湖志

卷一 堤塘

三

甃旋圯者蓋緣土之奸徒黃緣胥吏其爲乾沒用材匪善工亦苟完公府之費以十計而彼曾不及於二三興役之時苟非擇選廉幹任怨之吏董其成事徒資貪猾何益哉鳳口之閘至廣一丈有入二槽向來未聞水有汎濫之患後緣主守無賴以致板易朽腐衝擊爲災遂起廢塞之緣今閘更而就狹又推擇土人之有物力者職司其啟閉當不致失昔人置閘之初意矣奚必說之紛紛哉三塘利害多端而大要在此

國朝雍正四年署仁和縣事張坦熊詳請重修

新開運河塘

咸淳臨安志在餘杭門外北新橋之

北通蘇湖常秀潤等州凡諸路綱運及販米客舟皆由此達淳祐七年夏大旱運河乾涸趙安撫與

憲奏請客旅船隻經由下塘係有兩路一自東遷至北新橋今已斷流米船不通一自德清沿溪入鳳口至北新橋間有積水處亦皆斷續每米一石步擔費多米價之增實由於此今委官相視見得自鳳口至梁渚僅有水一綫之脈止可通十餘石米舟自梁渚至北新橋則皆乾涸不可行舟共計五千五百三十九丈五尺除已雇募鄉夫差委官屬分段開掘外又契勘塘岸一帶都保久失修築日漸隳圯緯路窄狹艱於行往今卽將此河所掘

之士幫築塘路庶幾水陸皆有利濟一自北新橋至狗葬葬義犬於此故名開闊三丈深四尺一自狗葬至鳳口開闊一丈自是往來浙右者皆稱便焉仁和縣志元至正末張士誠軍船往來蘇杭以舊河為狹復於五林港口開浚至北新橋又南至江漲橋廣二十餘丈遂成大河因名新運河

運河下塘 成化杭州府志即新開運河初未有塘而後始築者其地有三里洋十二里洋之險水波宏闊叢蘆大葦每為盜藪商民往來時被剽掠正

統七年通判易公輓條上利害巡撫侍郎周忱親自相度從北新橋迤北而東至今石門縣界修築隄岸一萬三千二百七十二丈四尺水陸兼利舟行者無盜憂便於漕餉

沙河塘 咸淳臨安志唐書地理志在錢塘縣舊治之南五里潮水衝擊錢塘江岸奔逸入城勢莫能禦咸通三年刺史崔彥曾開三沙河以決之曰外沙中沙裏沙政和元年郡守張閣標其處近南有

壩頭

走馬塘

杭州府志在艮山菜市門外地平坦可走

馬故名舊栽花柳號南新路

五里塘

夢梁錄在艮山門外尉司衙側

蔡官人塘

咸淳臨安志在艮山門外九里塘姚斗

門通河衛店湯鎮等處

月塘

咸淳臨安志在艮山門外嘉熙間潮水衝決

不存今復漲沙就築為塘西湖遊覽志元至正初

潮水復壞徙高原尋毀洪武間重建

沈塘

夢梁錄在北關外又名沈家灣杭州府志吳

越右僕射沈崧之故居今稱沈塘灣

餘杭塘

咸淳臨安志在北關門外江漲橋投西四

十五里至餘杭縣

永和塘

夢梁錄在仁和縣永和鄉其地接古鼎湖

白龍潭成化杭州府志在仁和海鹽二縣之界俗

名三里險即所稱白龍潭是也一遇卯風震蕩則

數百頃田頃刻湮沒宋紹定己丑邑人學諭范武

學錄任安世倡義修築而後歲免水患邑宰范光

命名永和隄參政許應和記其成後不時修築應

和永和隄記運河有塘衣帶浙水自都城東北橋
 鎮薄吳頭楚尾綿亘千餘里關提封者六州帶主
 管者十縣仁和首當其一郵遞輦運憧憧旁午唯
 永和隄阻鼎湖白龍潭之險卯風湍流夤夕鼓蕩
 一有線溜則膏腴數百頃瞬息就浸繫欲經久不
 拔是豈一日一人之力哉邑有范任二君倡為義
 役乃悉心討究謂土力屢潰難成也於是率眾僦
 工築以木石成二百五十丈為錢數千緡范君為
 費獨當什伍董視犒賚尤詳焉旁築道民庵給伏
 臘俾早晏巡徼事無遺慮整如也肇始於紹定已
 丑之春告成於是歲良月之望民間曾無勞動之
 苦公家坐收興築之利談何易哉隄成請記顛末
 予嘉其賢勞且諗之曰自令之來我邑也無橫斂
 暴賦以蠹民絲是吏日貧而民日富既有餘財矣
 無深刑酷罰以戕民絲是役益減而生益繁既有
 餘力矣及今閒暇率就斯役用答令德故輸財而
 不知費盡瘁而不憚勞令不我強也余亦欣然而
 思以為總總而羣雖各有心其于于望望未嘗不

基於寬烈之政廉汙之操雖令不從與不賞而勸
 者抑豈無其故哉今范令光世濟其美連躋科級
 以儒道字民最再課矣始終不擾與民相安宜其
 一鄉之善如范君學論武任君學錄安世毅然以
 身任其勞吁佚道使民雖勞不怨凡領民社計者
 何物不然豈直仁和之長獨擅其美永和之士勇
 於為義耶

子塘 咸淳臨安志自北郭稅務驛亭下直抵左家

橋係下湖洩水去處 以上係幹河之塘

黃濮塘 萬曆杭州府志在靈芝五圖崇化八圖地

方

下新塘 萬曆杭州府志在靈芝崇化地方南與黃

濮塘相接

上墟塘 杭州府志在女南二圖其西與下新塘相

接

陵林塘 杭州府志在女南三圖與上墟塘相接

楊山塘 杭州府志在女南四圖與陵林塘相接

西塘 錢塘縣志在崇化二都

李王塘 在東新關外 以上係支河之塘

謹按以上諸塘去西湖較遠但湖水三路入城委折流通復出城而會流於上下兩塘河以至半山臨平海寧等處凡以利溝漁漑田畝通商賈達鹽塍則諸塘河之水皆自西湖貫注於其間是西湖

其源諸塘河其流也故合眾流詳之規制始備特於水利志外凡橋梁隄塘堰閘悉準此例登載非汎引也

堰 附

西湖石堰 錢塘縣志在錢塘湧金二門之間後堰

壞易之以板守者緣以為奸漲故靳而不啟早則啟而竭之以取貨利明弘治十二年巡按御史吳

貫仍甃以石 詳水利志

清湖堰 咸淳臨安志在餘杭門外稅務東

上堰 萬曆杭州府志在天宗門外

下堰

萬曆杭州府志在餘杭橋側

裏沙河堰

咸淳臨安志在餘杭門外仁和橋東即

東坡詩所稱沙河是也

雋家堰

成化杭州府志在沈塘東去城北一十八

里

金家堰

成化杭州府志在皋亭鋪東去城北二十

五里

吳家堰

仁和縣志在縣東北永和鄉永和塘之旁

姚家堰

在東新關東

閘附

石函三閘

在錢塘門外昭慶寺西三閘一名聖塘

閘一名澗水閘一名石函閘三閘中水流入桃花

港直注松木塲而分流入北關大河又自聖塘閘

分一支沿西城河至西河壩止夢梁錄在水磨頭

因湖水漲溢開此洩水出於下湖成化杭州府志

昭慶寺西鑿石岡上為行路下通水流自然成橋

每視湖水盈縮以為啟閉西湖遊覽志唐刺史李

泌建有水閘洩湖水以入下湖沿東西馬塍羊角

埂至歸錦橋凡四派白樂天記略云北有石函南有筧決湖水一寸可溉田十五餘頃每一復時可溉五十餘頃

溜水閘 在湧金門北明成化十二年布政使甯良按察司副使楊瑄等因舊有九渠之一開建水門引湖水入城置鐵窻櫺隔限內外外建一閘時其啟閉使漲溢之時不致暴入民世食其利後屢經修築

國朝康熙四十四年開浚織造府前河一帶以通

御舟之出入重建水門閘板雍正六年總督臣李衛重修

金沙港閘 合天竺靈隱諸山之水過唐家衞石橋由麴院入湖

國朝雍正五年開濬西湖因建閘於港口但澗泉湑會驟雨急流砂行石走水口易於壅塞非一閘所能堵禦雍正七年總督臣李衛建閘於上流復添滾壩一座阻禦流沙設立壩夫二名專司挑濬以杜湮淤之患

毛家埠閘 受北山分流之水及南山龍井諸泉水洩瀉入湖

國朝雍正五年建

丁家山閘 受黃泥嶺泉及龍井分流之水洩瀉入湖

國朝雍正五年建

赤山埠閘 鐵窻櫺洞泉出自赤山經惠因寺前名惠因澗合簪箕泉經浴鵠灣入湖舊名西閘久已頽廢

頽廢

國朝雍正五年復建

靈隱浦閘

西湖遊覽志宋紹興間有善堪輿之術

者言靈隱火山也得水可以禳災乃建石閘以蓄

石門澗水弘治十三年山水橫發閘傾澗溢寺亦

頽廢云

陸游冷泉放閘詩泉聲飛出閘委迤緣陰問此地原無暑多時不入山草欹疑石墜

水定見魚還誰得同龜鶴遊吟半日聞周紫芝冷泉亭放閘詩二首呼猿洞口水潺潺忽卷波流下

九天乞得少陵三峽句為君題作倒流泉萬里西興浦口潮浪花爭似海門高誰將一夜山中兩換

作滄江八月濤

澄水閘

咸淳臨安志在長橋始因錢湖門內諸山

隄塘

三

之水分流為三道雨甚則泥滓侵濁西湖故於錢湖門之北城下置海子口流出省馬院後為小渠引水直至澄水閘入湖又有南閘亦分方家峪之水至長橋下入湖古來疏此水為三渠皆有石橋後渠為居民堙塞遂不可復成化杭州府志今橋猶存

南閘 西湖遊覽志分方家峪之水引歸長橋以為蓄洩

清水閘 在候潮門外城南下隅其南與渾水閘相

接

渾水閘 在城南下隅蕭公橋南其南與跨浦閘相

接

跨浦閘 在城南下隅跨浦橋下其上與龍山閘相

接

龍山上下兩閘 萬曆杭州府志在柵外一圖浙江

驛前龍山之口

清湖上中下三閘 杭州府志俱在武林門外與仁

和相鄰西湖遊覽志洩城中諸河之水自東而北

轉達東新橋德勝壩為下塘河

國朝雍正五年總督臣李衛修建

化灣斗門閘 錢塘縣志在崇化七都北接上墟塘

為苕溪下流明萬曆戊申歲久雨塘決水勢奔激

邑令聶心湯先築塘俾民種藝旋築隄修閘垂成

己酉八月大水衝壞仍修之

烏麻斗門閘 舊名安溪斗門閘 杭州府志在女南一圖北

對安溪鎮大水衝圮

國朝康熙五十五年重修又圮雍正七年總督臣李衛

重建并設看守閘壩夫二名準金沙港之例以時

啟閉

南斗門閘 杭州府志在武林門外去城北一里半

北斗門閘 杭州府志在武林門外去城北二里

德勝閘 萬曆杭州府志在德勝壩

雋堰閘 萬曆杭州府志在雋堰壩

柳林閘 仁和縣志在艮山門外

清涼古閘 仁和縣志在艮山門外

小林閘小林大閘 仁和縣志在十五都十七都東

西界間閘莫詳所始蓋以運河塘下高田不與下塘河接旱無滋灌置此爲蓄洩隔塘白洋石目二笕下流其爲塘下高田之利最溥年久頽圯天順間知府胡濬知縣周博重建

壩附

金沙港滾壩見金沙港間

會安壩成化杭州府志在艮山門外

猪圈壩萬曆杭州府志在武林門外陸家場

石灰壩萬曆杭州府志在德勝橋東

德勝壩萬曆杭州府志在城東北五里夾城巷內行旅皆從此過

雋堰壩萬曆杭州府志在沈塘灣東去城東北二十五里

慶春壩在慶春水門內

胡家壩在仁壽橋南

春符菴壩在桑笕渡西

謹按山水各門俱倣田志體例依山路遠近分路順敘惟隄塘堰閘專爲湖水蓄洩止宜順敘水道故不分敘山路與各門體例原自有別

西湖志卷之七

總校王詒壽分校吳鳳階
沈琮寶校

西湖志卷之八

橋梁

西湖四山環翠一鏡滄泓而醜水梁空波回流轉
非徒以利舟楫亦所以通灌輸也故赤闌高下雁
齒橫斜掩映於花光柳影中稱勝槩焉若夫城闔
內外運道支河凡湖流所注長虹臥竦櫛比雲連
皆沿湖者所必屆也志橋梁

孤山路

涵碧橋

咸淳臨安志在孤山路中西湖遊覽志宋

轉運使陳堯佐重修

陳堯佐重修涵碧橋記兩越之郡杭為大郭山堞野宇秀

宅異附郭之勝又得西湖焉寒山粼粼屏焉四合
澄波瑟瑟鑑焉中照倒萬象之景而曲直可見湛
千流之注而毫髮不遺黼黻交林花之彩律呂諧
谷鳥之韻有時朝陽麗梵剎之金碧或爾夕靄曠
城闌之村落原隰溝塍佐佑遠近其或憑高軒寫
幽望含毫者才絕而莫抉舉酒者疊覆而既醉萬
景俱在一意未得噫豈清和所毓之粹不可以言
筮耶風雅所蓄之蘊不可以力探耶何軒檻之寶
俎豆之實府之而不能有也湖之西南地益嘉勝
橋曰涵碧寺曰孤山互波心之百尺矗雲表於干
仞三春樂遊四民萃止惜乎橋圯弗葺寺樓將壓
居者藉乎茂草行者病乎濡足暮春之月時和園
空乃同太守密學戚君綸放扁舟侶嘉客泛清風
於蘋末巖細浪於煙外籌茲既壞之址挺乎必葺
之議涓吉肇事浹日而畢觀夫虹天矯而欲飛鶴
翱翔以始歸冠蓋利往坎窞攸濟萬日以之而改

觀千峰於焉而增氣雖草木魚鳥莫不歌於斯遊
於斯咸樂其成也矧眾君子乎若夫言非文不足
以垂久橋非名不足以潤色以雅易鄭曰涵碧且
將圖以歸好事者或思見之當出以示劉過門許
從道遊涵碧橋詩犯暑日午來坐到日落歸松桂
葉團團竹光淨暉暉乳竇成濯纓綠染身上衣卻
傾所攜酒對酌老石磯幽鳥當歌者薦以首山薇
斂藏大千界游戲塵尾揮寺門長安道結束四馬
肥醉鄉訪擅葦屏風肉紅圍我亭不關鎖何人款
柴扉掉臂樵擔行藤蘿自煙扉古所謂迂闊若此
二子稀既非攜娉婷又乏玉鞍飛不知有何好林
泉少焉依境勢更著語鬼神暗訶譏但知笑他人
不覺已
是非

處士橋

咸洎臨安志在林和靖故居前西湖遊覽

志孤山之北其巔有歲寒岩其下有處士橋郭祥正處

士橋詩不作朝市客甘為漁釣翁柴門危徑斷猶喜一橋通西湖遊覽志學士

溝在山南由處士橋入

謹按西湖遊覽志云斷橋後稍西有涵碧橋又西有處士橋宏春橋並廢因孤山路從入之始特存其名宏春橋無攷

斷橋 咸淳臨安志今名寶祐橋在孤山路口西湖

遊覽志斷橋本名寶祐橋自唐時呼為斷橋張祐

詩云斷橋荒蘚合是也豈以孤山之路至此而斷

故名之歟橋隄煙柳葱青露草芊綿望如裙帶史鑑

斷橋分手詩二首日暮橋邊酒棹回更因殘唱送餘杯人生易老春光暮能為看山幾度來近水人

家半掩扉兩山樓閣向斜暉斷橋無數垂楊柳總被遊人折漸稀洪丞斷橋閒望詩閒余步上斷橋頭到眼無窮勝景收細柳織煙絲易滑青屏拂鳥影難留斜拖一道裙腰繞橫看千尋鏡面浮投老近來忘俗累眷懷逋客舊風流黃汝亭秋夕飲斷橋詩斜月西冷度微雲上小舸秋來一水泛夜色兩峰高倚檻垂長袖登樓看寶刀浮雲西北起黯黯夢魂勞李流芳題斷橋畫扇詩十里西湖意都來到斷橋寒生梅萼小春入柳絲嬌乍見應疑夢重來不待招故人知我否吟望正蕭條邵經邦斷橋詩聞道橋名斷從來金勒過鞦韆芳草細檀板夕陽多賢達皆如此行藏獨奈何扁舟漁釣者瀟灑一元時錢惟善竹枝詞有段家橋之名聞者以為杜撰然楊薩諸詩往往亦稱段橋未可謂無證也成化杭州府志成化十年知府李端修段家橋

西湖志

卷八 橋梁

三

璧孤山路趙佃湖上詩秦樓直接段家橋

謹按癸辛雜識載錢塘吳禮之霜天曉角詞云蕩漾香魂何處長橋月短橋月是斷橋亦可名短橋矣事載志餘

錦帶橋 舊架木為梁

聖祖仁皇帝臨幸孤山

御舟由此轉入裏湖後整以石雍正八年總督臣李衛

重葺

西林橋 咸淳臨安志西林橋在延祥觀西西湖遊

覽志一名西泠橋又名西陵橋從此可往北山葛天

民元夕西陵橋觀月詩年頭半月雪漫漫養就嫦娥玉一團老向今宵奇絕處西陵橋上獨憑闌董嗣杲西林橋詩水竹雲山拱畫圖因懷喚渡想東都雨餘晴竦銜西照風過春船入裏湖關曲祇供遊子凭林閒今有野人無隔牆莫是神仙宅紅白梅花五百株自注在孤山西即古之西村喚渡處譚元春西泠橋邊息舟詩湖天一氣合上下映星辰近艇不知露遠燈如有人堤邊黃葉步水外素秋神過盡歸飛雁孤煙直到晨田藝蘅西泠橋詩孤山遞北六橋東湖到西泠裏外通一樹桃花牆不隔停舟閒傍酒旗風孫瀄憶西陵橋詩畫船前月醉西泠曾羨新歌續采菱歸後但逢漁火出夢中猶認武林舊事西林橋又名西村都城探春水六橋燈

面畫楫如鱗次第先南後北至午則盡入西村橋

弁陽老人詞云看畫船盡入西村閒卻半湖春色

蓋實錄也。西湖夢尋趙孟堅常客武林值菖蒲節

周公謹邀遊西湖薄暮入西村橋艤舟茂樹間指

林麓最幽處曰此真董北苑得意筆也。馬臻春遊即事詩畫

船過午入西村人擁孤山陌上塵曾袁宏道西湖

雜記西陵橋一名西泠或曰即蘇小結同心處方

子公曰陵作泠蘇小恐誤余曰白公斷橋詩柳色

春藏蘇小家斷橋去此不遠豈不可作西陵故實

耶。袁宏道西泠橋詩西泠橋水長在松葉細如鍼

不肯結羅帶鶯如衫燕如釵油壁車斫為柴青魂一半逐風雨錢希言夏日泛舟西泠橋下詩十

里香風似若耶波光妝影亂交加酒旗半颭青楊

柳漁艇斜穿白藕花南渡山川留鄂廟西泠煙月

想蘇家座中不是同鄉客那得歡呼白憤斜李流

芳題西泠橋畫意詩多寶峰頭石欲摧西泠橋邊

樹不開輕煙薄霧斜陽下曾泛扁舟

蘇隄第一橋 武林舊事港通赤山教場名曰映波

西湖遊覽志隄南第一橋與西岸第六橋對徐集

孫湖西納涼詩小艇撐過第一橋

第二橋 武林舊事通赤山麥嶺路名曰鎖瀾西湖

遊覽志第二橋與西岸第五橋對錢宰看梅圖詩

花落西泠第二橋

第三橋

〔武林舊事〕通花家山港名曰望山〔西湖遊覽志〕第三橋與西岸第四橋斜對水名花港所謂

花港觀魚者是也〔蔡襄西湖晚歸詩〕酒到三橋月

滿身

〔滿身〕

第四橋

〔武林舊事〕通茅家埠港名曰壓隄北新路

第三橋〔西湖遊覽志〕第四橋與西岸第三橋對咸

濱臨安志橋下水極深凡入靈竺舟行必取道於

此故橋傍設有石臺籠燈以照夜船〔劉渙憶舊詩〕

重到桃花第四橋

第五橋

〔武林舊事〕通麴院港名曰東浦〔西湖遊覽

志〕第五橋與西岸第二橋對周紫芝韓園讌集詩

遙知第五橋邊路桐葉題詩人未歸

第六橋

〔武林舊事〕通耿家步港口名曰跨虹北新

路第一橋〔西湖遊覽志〕第六橋與西岸第一橋斜

對稍北則為西泠橋矣

薛師傳六橋閑步詩出郭

春雨歇草樹夕陽微山色邀藜杖湖風颭葛衣虛

舟林處士不見鶴來歸袁宏道踏堤曲濃綠疏黃

總占新六橋風日更精神柳腰似欲爭遊妓鶯舌

洛妃謾欲凌波出曹植荒唐恐未真

橋梁

玉帶橋 在金沙隄上雍正九年總督臣李衛修建

關壯繆祠於金沙港因築新隄接蘇隄之左遂建橋於其上以通六橋之車馬裏湖之舟楫中為三洞上構飛亭形勢高騫憑闌四望唯覺翠雲繚繞天水澄鮮荷芰紛披禽魚出沒真柳州所謂曠如奧如者也

環璧橋 萬曆錢塘縣志裏六橋之隄北第一橋西湖遊覽志第一橋近淨空院玉泉之水出焉題曰環璧自此而西可通耿家埠

流金橋 萬曆錢塘縣志裏六橋之第二橋西湖遊覽志第二橋金沙港之水出焉題曰流金自此而西可通麴院路遊靈竺者之所從停橈也

臥龍橋 萬曆錢塘縣志裏六橋之第三橋西湖遊覽志第三橋地近龍潭深黝莫測有時祥光浮水面蓋神物之所窟宅也題曰臥龍自此而西可通茅家埠

隱秀橋 萬曆錢塘縣志裏六橋之第四橋西湖遊覽志第四橋繞丁家山而東沿隄屈曲蒼翠掩映

題曰隱秀從此而西可通花家山

景行橋 萬曆錢塘縣志裏六橋之第五橋西湖遊

覽志第五橋西挹高峰橋畔舊有三賢祠在焉題

曰景行從此而西可通麥嶺路

濬源橋 萬曆錢塘縣志裏六橋之第六橋西湖遊

覽志第六橋從定香橋而入近發祥祠虎跑珍珠

二泉之水出焉其源長矣非濬導不可因題曰濬

源七修類藁吾杭西湖之橋皆有名自南而北東

坡所築之隄之橋自淨慈寺前直抵大佛頭者是

即所謂蘇隄六橋也其裏湖正德間知府楊孟瑛

開復一帶西岸亦築六橋向聞於楊曰南畔三橋

可名為濬復濬源濬治皆楊所開之地北畔三橋舊有水

口吾築為橋可名為二龍流金涵玉與古西林斷

橋共十四也

謹按裏六橋明正德三年郡守楊孟瑛重開西湖遂築裏隄而增建者然北山三橋宋時已有之楊孟瑛特修復之耳所謂舊有水口吾築為橋也本無名西湖遊覽志各為標立今揭於右又按外六橋次第自南而北裏則自北而南

袁公橋 咸淳臨安志在先賢堂前

小新隄橋 咸淳臨安志 淳祐中建

馬蝗橋 錢塘縣志 在趙公隄 西湖遊覽志 喬幼聞

別業西北有馬蝗橋

南山路

柳浪橋 西湖遊覽志 清波門外聚景園孝宗所築

奉上皇遊幸園中有柳浪學士等橋今唯柳浪橋
尚存世稱柳浪聞鶯者是也

學士橋 西湖遊覽志 自清波門過流福水橋瀕湖
爲學士橋當宋聚景園前蓋城中鐵冶嶺諸山之

水舊出錢湖門輪委於西湖者必經橋下大小岐
派若夾字然故稱夾字港港長九十六丈後人訛
爲學士港然則學士橋者豈卽夾字橋之訛歟而
宋時咸淳志夢梁錄諸書皆無夾字橋之名獨武
林舊事有學士柳浪等橋而柳浪聞鶯遂爲西湖
十景之一蓋不可謂無據也豈其時有文人爲學
士者得於從遊應制題詠遂以名橋若李太白偕
尙書郎張謂游沔州南湖遂改南湖爲郎官湖近
世孫一元着高士服於西湖遂稱西湖爲高士湖

者或此類也橋久廢唯條石丈餘橫跨港口舟人以小艇入艤清波門者偃僂乃度郡人王翰捐貲重建之高廣倍昔題其梁曰學士橋蓋從郡人稱名之便且以存舊蹟也汝成爲記立石建亭於橋畔

流福水橋 咸淳臨安志在清波門外咸淳四年建
西湖遊覽志瀕湖而引湖水入城

顯應觀橋 咸淳臨安志在清波門外顯應觀前
長橋 咸淳臨安志在淨慈寺東杭州府志明吏部

虞淳熙重建西湖遊覽志長橋頗短而以長名者先時水口甚闊橋分三門有亭臨之壯麗特甚其後浸淫填塞兩旁皆民居矣其南舊有澄水閘南開宋時錢湖門內諸山之水爲三道兩甚則侵濁西湖故穿城至海子口流出省馬院後爲水渠引至澄水閘入湖而南閘者亦分方家峪之水引歸長橋謂之三渠皆有石橋今已湮廢
陳造過長橋詩幾向西湖艤畫橈冰奩儼受眾峯朝即今去鴈將清夢飛下長橋更短橋郭祥正長橋詩橋短故名長路穿雲水鄉游人欲歸去濯足弄殘陽董嗣杲長橋詩南港虛名架石梁寺樓鐘鼓幾斜陽相傳亭跨

危基壯誰見橋橫古道長澄水間荒沙草碧清波門近市塵黃鳳凰山在闌干外玉抹煙屏鷺一行

七修類稿西湖南入路曰長橋宋誌俗名雙投橋

昨讀西湖竹枝集元富春馮士頤有詞曰與郎情

重得郎容南北相看只兩峯請看雙投橋下水新

開雙朶玉芙蓉注以嘗有情人雙投於橋故名

慶芳橋 在淨慈寺前通萬工池雍正五年建

定香橋 錢塘縣志在裏六橋第六橋之西西湖遊

覽志近赤山埠其水曲為浴鵝灣錢濬善定香橋訪隱者不遇詩

誦經聲隔竹林聞知有禪房遠俗氛野水菰蒲藏小艇寒煙樹木翳斜曛雨花臺古龍歸井落葉廊

深犬吠雲不見故人歸去晚扁舟重過雪紛紛

孝義橋 咸淳臨安志在麥嶺西太清宮前

新河橋 咸淳臨安志在麥嶺口寨前

善安橋

永安橋

永福橋 咸淳臨安志並在麥嶺至龍井路

雙井橋

丁家山橋

丁家山小橋 咸淳臨安志並在茅家步丁家山路

玉鈎橋

武林紀事近靈石山西湖遊覽志靈石山

有張伯雨墓地近玉鈎橋蓋伯雨賣玉鈎所建也

宋龔尊玉鈎橋詩句曲一道士愛住山之幽寒裳慮深涉賣彼白玉鈎築橋訪詩侶茲事宜千秋

惠因橋

咸淳臨安志在高麗寺側武林舊事秦少

游龍井紀遊所謂濯足於惠因澗即此

飲馬橋

武林舊事地名放馬場西湖遊覽志永福

橋俗稱飲馬橋吳越宋時皆牧馬於此

謹按咸淳志載永福武林舊事載飲馬而西湖遊覽志謂飲馬即永福因宋志所有今並存之

歸隱橋

咸淳臨安志在龍井因東坡易名曰過溪

謹按蘇軾詩并序云辨才老師退居龍井不復出入軾往見之常出至風篁嶺左右驚曰遠公復過虎溪矣辨才笑曰杜子美不云乎與子成二老來往亦風流因作亭嶺上名之曰過溪亦曰二老其詩落句云我比陶令媿師為遠公優送我過虎溪溪水當逆流聊使此山人永紀二老遊橋當由此名

北山路

相國井橋

咸淳臨安志在湧金門城北水口上萬

曆杭州府志在湧金門外

石函橋

咸淳臨安志一名西石頭橋在錢塘尉司

西德生堂側成化杭州府志在放生亭址下西湖

遊覽志唐刺史李泌建有水閘泄湖水以入下河

沿東西馬塍羊角埂至歸錦橋凡四派白居易錢塘湖石記

北有石函南有篔簹決湖水一寸可溉田十五餘頃每一復時可溉五十餘頃郭祥正石函橋詩開函測深淺啓閉以時均不識白公惠堂堂勒翠珉

溜水橋咸淳臨安志在羊坊巷北西湖遊覽志洩

湖水以入下河可通新河壩

小溜水橋咸淳臨安志在精進寺北西湖遊覽志

俗稱水磨頭其下為棕毛場

沈家場橋咸淳臨安志在溜水橋西北

安民橋咸淳臨安志在沈家場前一帶

古塘橋

西堰橋

方公橋萬曆杭州府志並在古塘裏東

上泥橋張丹上泥橋詩破壁露燃燈野籬見酒肆三五客舟過橋

低隨岸次

下泥橋張丹下泥橋詩居人兩岸住

簷自古風鴨寒入蘆裏雞暖叫桑中脫帽還頻過椒花處處紅

八字橋萬曆杭州府志在西馬塍西

西隱橋

萬曆杭州府志一名烏盆又名富春在西

馬塍

張丹西隱橋詩野橋連步處笑語望沙邱西盡一落日東盡一歸舟

西觀音橋

惠安橋

杭州府志並近東西馬塍

馬軍橋

咸淳臨安志在運司竹木場前

閻家橋

崇壽橋

萬曆杭州府志並在羊角埂

惠安橋

咸淳臨安志在古塘裏西

神勇步人橋

咸淳臨安志在羊角埂西

青衣橋

西湖遊覽志淨性寺宋乾德五年吳越王

建名淨心院大中祥符間改今額元末燬國初重

建傍有青衣橋

試院大通橋

王家橋

萬曆杭州府志並在錢塘門外宋試院前

道家橋

萬曆杭州府志在宋試院東

清水橋

萬曆杭州府志在宋試院西

九曲昭慶橋

咸淳臨安志原係小渡咸淳六年剏

建成化杭州府志通舊九曲城在昭慶寺東

昭慶廣濟橋 成化杭州府志在昭慶寺前

策選寨橋 咸淳臨安志在昭慶寺西寨前

教場橋 咸淳臨安志在昭慶教場西

崇福橋 咸淳臨安志在教場橋北

保安橋 咸淳臨安志在霍山廟巷口

羊坊橋 咸淳臨安志在霍山大路口萬曆杭州府

志在石函橋北西湖遊覽志宋時滌羊之所有酒

庫瓦子在焉其西為古柳林

東行春橋 咸淳臨安志在麴院大路西湖遊覽志

宋時為左軍教場有馬三寶墓題曰雁門馬氏葬

橫衝橋知行春橋乃橫衝橋也

西行春橋 咸淳臨安志在九里松左軍教場大路

兩湖塵譚西山自行春橋迤西直至靈隱三竺余

闕賦送吳元振之江浙左丞詩言從天竺寺直度

小春橋

集慶寺橋 成化杭州府志在集慶寺北

合澗橋 咸淳臨安志在飛來峯路口武林舊事靈

竺二山之水會合於此西湖遊覽志北澗自靈隱

而下南澗自天竺而下合流於此號曰錢源其地

有靈隱天竺寺門成化杭州府志靈山之陰北澗

之陽即靈隱寺靈山之南南澗之陽即天竺寺二

澗流水號錢源繞寺峰南北而下至峯前合為一

澗有橋號合澗橋郭祥正合澗橋詩兩澗飛來處

入煙霄張昱合澗橋詩兩澗何年合一溪終日間
桃花逐流水未覺是人間貝瓊合澗橋詩橫水東
西落幽人日夜過宛宛龍赴壑隱隱鵲填河緬想
赤城路潛通滄海波遠公不送客芳草澗邊多

回龍橋成化杭州府志在合澗橋西西湖遊覽志

在龍泓洞之左靈隱寺志吳越時名清繞橋

橫坑橋雲麓漫鈔靈隱東西漢二水東龍源橫過

寺前冷泉亭在其上其西曰錢源二水合流出橫

坑橋

龍脊橋西湖遊覽志北澗自龍脊橋溯流至西源

峰

瀑雷橋成化杭州府志在冷泉上

石橋靈隱寺志亦謂石梁在飛來峰近翻經臺

吳寺橋靈隱寺志在吳寺團靈隱寺對

時橋靈隱寺志南澗經時橋

金佛橋

靈隱寺志在普門內

琮老橋

靈隱寺志南澗東合楊梅塢支澗出琮老

橋僧琮建

中竺寺橋

下竺寺橋

靈隱寺志南澗東合永清塢出中竺寺

橋又東合神道塢過下竺

龍迹橋

靈隱寺志南澗出飛來峰至龍迹橋會北

澗

曹家橋

靈隱寺志北澗合韜光支流過曹家橋渟

匯於石門澗

白樂橋

靈隱寺志北澗北合水架塢西流通白樂

橋

唐家橋

靈隱寺志北澗經雷院出唐家橋

西溪路

三橋

西溪梵隱志溪有三橋下多植柳濃陰夾道

東西兩涯民居臨水花木周廬亦稱花市

釋大善三橋柳

詩綠楊夾岸兩依依覆遍虹梁風口微青葉交濃
忘夏至白花漫散識春歸人家傍樹張茅店鳥雀
乘陰刷羽衣昔日笙歌聞
載酒只今惟有鷓鴣飛

金橋 [西溪梵隱志] 在溪市北建炎間金四將軍從

張伯英戰死其妻歸舊廬築橋為資冥福鄉人稱

為金四姥橋橋下垂柳獨盛

得仙橋 [西溪梵隱志] 在龍歸塢紹興間有老翁朱

姓者不火食能前知翛然坐橋而化橋跨小澗以

仙翁得名

安樂橋 [西溪梵隱志] 在唐家山故安樂山下永興

寺外跨澗片石傳是神僧濟顛所造

忠義橋 [西溪百咏序] 溪市三橋惟此橋最大居中

虹起石色光瑩宋孫侯所建也兄弟愷篤故名忠

義

陸家橋 [西溪梵隱志] 四明象山陸氏子乃子靜先

生裔家於臥象山下今陸家橋存焉董嗣杲過周

陸隱居詩過橋流水半清渾

東澗橋 [西溪百咏序] 小福清菴在西溪東澗橋內

[西溪梵隱志] 福清菴近安樂山清幽質絕宋隱士

邁子山有花覆石橋閒戲馬葉齊山寺亂啼鷺之

句

水柵橋 西溪百咏序西溪市北有柵橋乃巡稅二

司設以徵商者今惟橋存焉

朱橋 西溪梵隱志閑林埠黃山渡口南出十里即

朱橋江土人相傳朱橋是貴人朱清擔柴路 釋大善朱

橋詩江潮不畏海門遙進浦雲生第二橋乍入松
濤旋作雨忽翻竹浪又為潮遠來貨物舟人識初
到商人店主招夜泊客燈
漁火伴月明沙岸草蕭蕭

城內外諸橋

西湖水自清波門入流福溝至轉運橋與湧金門

河合流以通南北諸河為橋八

宣化橋 萬曆杭州府志舊名淨因今俗呼為懊來

橋夢梁錄臨安府治前曰州橋俗名懊來蓋以
到訟庭者至此心已悔也故以此名呼之

戒子橋 夢梁錄在舊慈幼局前

樓店務橋 錢塘縣志在黃冊庫前庫舊在府治東

成化杭州府志自此折而北為流福橋 錢塘縣志
按舊址在

今水溝巷對甘泉菴地橋廢久矣但湖水一支自
此而北橋在則水道可通橋廢則水道愈塞故存
其名

流福橋 萬曆杭州府志舊名閘兒橋

定安橋 夢梁錄在謝二郎使前錢塘縣志在府學

前西通仁和學舊有暗溝繞櫺星門出凌雲橋

凌雲橋 萬曆杭州府志舊名凌家橋錢塘縣志俗

名廟橋府學路舊由此入故曰凌雲

福寧橋 萬曆杭州府志舊名福壽東達油車巷今

入織染局

轉運新橋 萬曆杭州府志入運司錢塘縣志運司

二門內有玉帶橋通湧金池環署合流出新橋

西湖水入湧金門湧金池而東與轉運橋水合流

過三橋至眾安橋達南北諸河為橋二十有四

湧金橋 咸淳臨安志介於湧金三池之中有扁錢

塘縣志在運司後其水從西湖水口來少北為湧

金池金華將軍廟跨其上

轉運橋 夢梁錄在五聖廟西萬曆杭州府志舊名

度子橋

永安橋 咸淳臨安志在俞家園張府後鑷子井湖

水由此注出六房後夢梁錄在度牒庫後巷即五

聖廟橋

如意橋 咸淳臨安志在六房院前錢塘縣志西湖

志曰六房巷舊有如意橋橋在街北與臺後對

臺後橋 萬曆杭州府志在宋御史臺後因名

木龍橋 萬曆杭州府志又名太常後橋以上四橋

俱入織染局 夢梁錄自西樓酒庫側三橋南入惠

遷橋西過惠遷井曰太常寺後小橋

惠遷橋 夢梁錄在西樓酒庫前原呼金文庫橋萬

曆杭州府志水自湧金橋來至此入三橋河舊名

金文橋以宋金文酒庫故名

普濟橋 萬曆杭州府志上有華光廟 夢梁錄在斷

河頭五顯祠後

錢塘縣志華光廟今在不陸廟後少西土人築三石鋪於地題曰橋

施家橋 萬曆杭州府志在舊龍翔宮後 夢梁錄在

南真道館前

侍郎橋 咸淳臨安志郎簡字叔廉王荆公有寄詩

甚稱其賢以工部侍郎致仕居此里人德之遂以

名橋 夢梁錄在羅漢洞巷對

王逢與台州吳子中過侍郎橋客樓夜話

詩主簿別來久掛名材傑間挑燈長說劍閱世未歸山石置波上閣玉門天外關心期遂雄覽華頂

三橋 咸淳臨安志在西樓金文正西酒庫北 夢梁

錄在韓府南曰三橋子

武林舊事都城自舊歲冬孟駕回則已有乘肩小女

鼓吹舞綰者數十隊以供貴邸豪家幕次之翫而天街茶肆漸已羅列燈毬等求售謂之燈市自此以後每夕皆然三橋等處客邸最盛岳珂夢尚留三橋旅邸詩天上歸來打六更夢回搔首正蒼騰玉霜初三三更月絳綵猶明九市燈聲徹銅魚催勘箭影斜金雀在觚稜帝鄉東望重回首佳氣何時到五陵

軍將橋

咸淳臨安志在三橋北夢梁錄在韓府南

曲阜橋

咸淳臨安志在韓府前萬曆杭州府志在

河之西跨街南北西湖水由此入西河

施水坊橋

咸淳臨安志在井亭橋南

井亭橋

咸淳臨安志在井亭坊東夢梁錄在洪福

橋東仁和縣志以相國井得名宋煮庫在此

洪福橋

咸淳臨安志在清和坊東夢梁錄在八字

橋南仁和縣志西有楊和王府

鞞鼓橋

咸淳臨安志在洪福橋北西湖遊覽志餘

宋太學造工之初鳴鼓集飯有劉耆者山東來目雙瞽善聽聲過之問曰此何地適聞鼓聲官氣甚旺旁人以建太學語之耆曰若如此則不出宰相永無火災所以自中興以來六七十載絕無鬱攸

之驚而未聞有爰立者嘉泰中高文虎為祭酒欲為陳自強之奉遂謂鼓壞請更鞞之未幾自強正拜遂以為更鞞堂鼓而自強破揆席之荒也名其鞞鼓之所曰鞞鼓橋

馬家橋

咸淳臨安志在鞞鼓橋北 夢梁錄在洗麩

橋南

八字橋

咸淳臨安志西轉入清湖橋 夢梁錄在十官宅前 萬曆杭州府志舊名洗麩橋與清湖橋成八字

江學士橋

仁和縣志以學士江曉居此故名

石湖橋

萬曆杭州府志以宋相范成大號石湖居此故名又曰石灰橋

結縛橋

咸淳臨安志在沂王府前

眾樂橋

萬曆杭州府志東西河路通南北舊名下

瓦後橋仁和縣志與眾安成八字故亦名八字橋

眾安橋

萬曆杭州府志南北跨大街 夢梁錄出御街投北眾安

與觀橋皆平坦與御街同蓋四孟車駕經由此兩橋轉西禮部貢院路一直過新莊橋詣景靈宮行孟饗禮也仁和縣志上有施全廟全嘗伏此橋下刺秦檜被執

國朝雍正九年總督臣李衛因建南糧倉開濬運河與眾樂橋同修

西湖水自湧金水門入溜水橋東行至曲阜橋入西河為橋五

溜水橋 錢塘縣志康熙四十四年織造府孫文成大啟水門引湖水入城開河廣五尺深八尺至三橋折而南又轉東至府前而止備

聖駕南巡

御舟出入

紅蓮花橋

白蓮花橋

石橋

曲阜橋 錢塘縣志並在駐防城內

西湖水自眾安橋轉北由度生橋出武林水門為橋十

清寧橋 萬曆杭州府志舊名度生橋俗呼鵝鴨橋

咸淳臨安志原名北橋夢梁錄投東入延定坊仁
和縣志康熙二十六年重建

安國橋 咸淳臨安志在懷遠坊內萬曆杭州府志

又名北橋

軍頭司橋 萬曆杭州府志貢院在東院坊在西臨

大街仁和縣志宋時文思院在此康熙二十六年

重建

清遠橋 夢梁錄在普寧坊東仁和縣志宋時南煮

庫在此康熙二十六年重建

仁和倉橋 夢梁錄在仁和縣衙對巷仁和縣志康

熙二十六年重建

胭脂橋 仁和縣志舊名葛家橋

天水院橋 夢梁錄在六部架閣前仁和縣志宋時

有草料場

百萬倉橋 咸淳臨安志在涪祐倉前

中正橋 萬曆杭州府志俗呼斜橋

弔橋 萬曆杭州府志便橋武林水門裏

西湖水自清湖橋轉西至中正橋出武林水門為

橋十有三

清湖橋 萬曆杭州府志八字橋河西跨街南北自

西湖志 卷八
此而西一帶名清湖河

黑橋 咸淳臨安志在左藏庫東仁和縣志今廢

左藏庫橋 仁和縣志宋時左藏庫近此今廢

安濟橋 夢梁錄在楊駙馬宮前投西

安福橋 咸淳臨安志在安濟橋西通太學前新街

夢梁錄潘園巷路通接洋街路直抵故太學

丁家橋 咸淳臨安志在安福橋西

長生老人橋 夢梁錄在霍使君廟前

紀家橋 夢梁錄在國子監前萬曆杭州府志西塊

為按察司西監仁和縣志按察西有監橋與車橋

相接橋上築駐防城 西湖遊覽志元時改乘驄橋北察院在焉

車橋 夢梁錄在國子監後仁和縣志宋時車馬門

近此

楊四姑橋 萬曆杭州府志舊名長壽橋仁和縣志

以近長壽寺故名

教場橋 仁和縣志在教場門東達觀橋大街舊名

大新莊橋

師姑橋 夢梁錄在鎮城倉西仁和縣志亦名獅虎

橋康熙二十六年重建

中正橋 見前

西湖水自眾安橋轉北迤南至鳳山水門為橋二十有六

清寧橋 見前

新橋 夢梁錄在新安坊東萬曆杭州府志舊名新安橋上有千聖廟仁和縣志康熙二十六年重建
棚橋 咸淳臨安志在新安坊內萬曆杭州府志因近棚心寺故名仁和縣志康熙二十六年重建

李博士橋

夢梁錄在武志坊東

萬曆杭州府志李性傳字成之宗正

寺主簿李舜臣之子宋寧宗嘉定四年舉進士歷轉運幹辦行在諸軍審計司進對稱旨遷武學博士嘗寓居此巷以修武志故名其橋曰博士橋巷曰武志坊

芳潤橋

錢塘縣志舊名炭橋東值豐樂俗訛豐為

風有炭長風高之謠歲久火災因建真武廟以鎮之易名水德

日新橋

咸淳臨安志日新樓橋在水巷橋北

永清橋 夢梁錄在舍人橋北錢塘縣志俗呼水巷橋

平津橋

萬曆杭州府志俗名猫兒橋夢梁錄在賢

福巷東

七修類稿吾杭正統丙子秋猫兒橋河水五色旬日方解不一月其地陳綱中省元

始知秀氣因人而呈也

方便橋

錢塘縣志舊名平安橋

舍人橋

夢梁錄在賢福巷北萬曆杭州府志今廢

亨橋

巧兒橋

寶祐橋

咸淳臨安志並在寶祐坊內

普濟橋

夢梁錄在通和坊北

金波橋

夢梁錄在通和坊東

灌肺橋

咸淳臨安志在融和坊對入巷夢梁錄南

瓦內投西曰灌肺嶺橋

熙春橋

咸淳臨安志在南瓦熙春樓前

清冷橋

咸淳臨安志南通沙皮巷北通漆器壻

鍾公橋

萬曆杭州府志東與新宮橋大河通

新宮橋

萬曆杭州府志舊名宗陽宮橋

望仙橋

咸淳臨安志在德壽宮前

通江橋

夢梁錄在雜賣場西

黑橋

咸淳臨安志在六部橋北

錢塘縣志橋西有義井

州橋

夢梁錄在玉牒所對巷萬曆杭州府志舊府

治在橋西因名

安和橋

萬曆杭州府志原名聖安寺橋

錦雲橋

咸淳臨安志舊稱都亭驛橋萬曆杭州府

志宋名六部橋元名通惠南出鳳山水門至浙江

驛河

西湖水自通江橋出候潮水門為橋五

普濟橋

萬曆杭州府志舊名過軍橋

水門橋

保安橋

在撫署西

保安閘橋

在撫署東

諸家橋

錢塘縣志一名車駕橋宋有車駕司

西湖水自新宮橋迤北至田家橋出武林水門為

橋十有九

三聖橋

萬曆杭州府志舊有三聖廟故名

鐵佛寺橋

成化杭州府志舊名佑聖觀橋

榮府橋

俗名府橋

夢梁錄在榮王府看街前萬曆杭州

府志宋榮王府在橋東因名

柴梁橋

萬曆杭州府志舊名太和

薦橋

夢梁錄在富春坊東錢塘縣志一名清泰上

有英濟廟以祀潮神今名清泰菴

積善橋

萬曆杭州府志舊有回回拜佛堂俗呼回

回新橋

豐樂橋

咸淳臨安志在善履坊東

油局橋

夢梁錄在善履坊東曰油蠟局橋萬曆杭

州府志舊名新橋

鹽橋

仁和縣志上有惠濟廟即蔣侯祠故亦名惠

濟橋

仙靈寺橋

夢梁錄在仙靈寺東

登雲橋

萬曆杭州府志宋時有平糴倉貢院在其

北仁和縣志每棘闈榜發獲雋者由貢院赴布政

司飲宴鼓吹導引必登此橋取登青雲之義故有

是名

西橋

仁和縣志一名塌坊橋東有宋時御酒庫

通濟橋

咸淳臨安志在豐儲倉後葛家橋東萬曆

杭州府志俗名梅家橋仁和縣志宋時法物庫在此

鷺鷥橋

在貢院東

仁和縣志自鷺鷥橋北東至橋南一帶河俱塞水復至梅家橋

梅東高橋

小梅家橋

夢梁錄在御酒庫北

白洋池橋

仁和縣志河通白洋池因名

方家橋

仁和縣志白洋池北為方家橋

田家橋

咸淳臨安志田家普濟橋

萬曆杭州府志自東橋以下俱

接連大河

西湖水自軍頭司橋轉西由觀橋通西河至教場橋出武林水門為橋五

觀橋

咸淳臨安志在報恩坊北過此橋轉西一直

至新莊橋入萬壽觀萬曆杭州府志跨大街南北

自此而西一帶為觀橋河仁和縣志東南為貢院

牌坊

西湖遊覽志吳越王建題其梁曰吳越王寶正六年辛卯四月八日因建錢明觀造此石橋觀橋之水自東而西過青蓮橋祥符橋折而北合清湖之水

闕板橋

仁和縣志即舊志稱貢院橋萬曆杭州府

志舊貢院在此

藩封橋 在藩封酒庫前 仁和縣志 卽今小橋

祥符橋 咸淳臨安志 在祥符寺前 仁和縣志 宋北煮庫在此東有春風樓

迴龍橋 仁和縣志 卽舊志小新庄橋過西落北歷教場師姑斜橋出武林水門 王同祖迴龍橋望駕萬歲聲常徹九皋過盡羽旄風細細絲雲不動御爐高

西湖水自鳳山門外繞城河入慶春水門落新壩合東運河而出艮山水門爲橋九

土橋 仁和縣志 舊稱泥橋向逢霪雨淋漓行者裹足不前里人李茂玉創改石橋往來稱便

東橫河橋 錢塘縣志 又名橫河第二橋

西橫河橋 錢塘縣志 又名橫河第一橋

萬安橋 錢塘縣志 在淳祐橋北

菜市橋 萬曆杭州府志 慶春橋舊名菜市在慶春門裡

新橋 仁和縣志一名廣積倉橋康熙年間重修

駱駝橋 仁和縣志跨西街不通水

壩子橋 仁和縣志橋洞有三相傳為魯般所造北

數武即艮山水門

西湖水自萬安橋迤南至斷河頭為橋六

淳祐橋 錢塘縣志在章家橋北

春熙橋 萬曆杭州府志今名章家橋

安樂橋 錢塘縣志在平安橋北

平安三橋 萬曆杭州府志俗呼豆腐三橋

平安二橋 錢塘縣志俗呼豆腐二橋

平安一橋 錢塘縣志一名鬪富橋俗訛豆腐

西湖水自鳳山水門出城由慶豐關直抵江干聞

口為橋十一

慶豐橋 西湖遊覽志慶豐橋之水入城為六部橋

其上流為岸橋

南新橋 西湖遊覽志沿城而西為萬松嶺下嶺為

松林街其東為車子巷

柳翠橋 西湖遊覽志柳翠巷內相傳宋時妓女柳

翠所建

海鮮橋

西湖遊覽志海鮮巷內石長丈餘其文如

魚龍蘊藻之狀巧如繪畫蓋乘時故內物也

梁家橋

西湖遊覽志進九曲巷出青果團

諸橋

西湖遊覽志通上輓路

美政橋

西湖遊覽志宋有玉津園

洋洋橋

西湖遊覽志有龍王廟萬曆中建海月橋

於橋南

海月橋

化僊橋

進龍橋

西湖遊覽志近進龍浦

西湖水自候潮水門出城由抽分廠為沙河北抵

艮山門為橋六

嘉會橋

西湖遊覽志通貼沙河之水入城貼沙河

一名裏沙河舟筏所經北抵艮山門者

蕭公橋

濟川橋

西湖遊覽志在抽分廠前初名羅木橋相

傳錢氏偏據時旁堆羅木俗因呼之又謂普濟橋

或曰因舊有普濟寺得名正德六年主事王光佐
重建改今名

利津橋 西湖遊覽志北為鐵幢

跨浦橋 西湖遊覽志跨浦橋街一名眾義巷

大通橋 西湖遊覽志傍有銀杏樹為艤舟渡江之

所今沙漲去岸者二十里矣

西湖水自武林水門出城由清湖開過陡門橋通

上塘河為橋二十有八

崇福橋 咸淳臨安志在北郭稅務前端平二年殿

司建 萬曆杭州府志在吳山驛西

餘杭橋 西湖遊覽志宋端平二年建東通猪圈壩

其時有北郭稅務

新河橋 西湖遊覽志橋下為新河坊口乃張士誠

所開者舊有廣惠廟宋康定元年建以祀廣德王

張渤者遞代褒封二月八日傾城士女集焉

下堰橋 仁和縣志在餘杭橋側

過軍橋 仁和縣志即渡船橋宋時神武舖在此

永清橋 仁和縣志今名新橋

張家橋

仁和縣志在新場宋時近下界新倉

天宗棧庫橋

咸淳臨安志在上閘東陸家場前仁

和縣志今名道塘橋宋時天宗棧庫在天宗水門

內

清湖上閘橋

仁和縣志宋天宗煮庫在此

清湖中閘橋

清湖下閘橋

上陡門橋

萬曆杭州府志在上閘南

中陡門橋

仁和縣志在崇福橋北

中興永安橋

仁和縣志在上陡門西宋紹興丁巳

重建

馮載中興永安橋記水行乎地中大為江河

以充灌漑具飲食資滌濯備塗澤然可用而不可
犯可涉而不可履去其害而就其利者蓋有道焉
不溺履之而不蹈去其害而就其利者蓋有道焉
於水之直流而遠者作舟船以行之於水之橫流
而近者設橋梁以通之凡人往來乎四海萬里之
外木潦莫能為之阻者舟之利固大而橋之功亦
居多今夫道途之阻者舟之利固大而橋之功亦
涉咫尺之近如在千里有橋濟焉頃步得達兩山
相瞰水流其中涯立萬仞其險可怖彼不能至此
不可往有橋濟焉如履平地平原曠野穿渠走水
水欲常運渠不可墜渠通水流行者有阻有橋濟
焉二俱無礙然則橋之為用大矣哉東南之地勢
最趨下受百川水潦之歸隨流上下固有舟矣截
流而過非橋孰能濟之府北十餘里號北關鎮商

賈駢集物貨輻萃公私出納與城中相若車馳轂擊無間晝夜而河流阻乎其間舊有三石橋行者賴以獲濟居北而最大者曰永安建中靖國初僧舜欽募緣成之積有歲年日就隳損經由不敢俯視慮其覆墜人人寒心鎮民耆艾陳德誠數往觀焉遂萌濟眾念願同興修同儕余慶施宗宥等及僧梵海結約募緣自紹興丁巳仲秋鳩工聚財至今年戊子初春告成號曰中興永安橋云

下陡門橋

萬曆杭州府志在得勝橋西

得勝橋

咸淳臨安志舊名堰橋韓世忠於此掩擊

苗劉故杭人呼為德勝

一作得勝

袁家橋

仁和縣志在得勝壩東北今塞

西楊婆橋

萬曆杭州府志在東楊婆橋西洪武初

重建

東楊婆橋

萬曆杭州府志在長板橋北

興福橋

仁和縣志往塘南艮山門萬曆杭州府志

舊名潮王橋誤

通隱橋

仁和縣志在興福橋側

潮王橋

仁和縣志廟側小橋以潮王廟而名

應家木橋

仁和縣志在繭橋東萬曆杭州府志作

應家橋

大安橋

永濟橋

戚公橋

仁和縣志在土神祠後

大興橋

東新橋

仁和縣志往五里塘以進艮山門有東新

關采南杰東新橋值雪詩間關入帝鄉飛雪出餘
杭天地皆明白山川忽老蒼柳眉遮舊影梅額

點新粧客裏急先
務橋邊問短航

西湖水自艮山水門出城與清湖開水合流至東

新關出東新橋為橋二

艮山吊橋

施家橋

謹按橋梁在湖面者原可分路登載惟城內城外
河道湖流所屆甚遠不止吳山一路故以城內外
諸橋別之再園亭非現在所有者皆列入古蹟惟
橋梁重關水利雖古有今廢而舊址現在可考或
因時制宜後有當修
復者故仍載本門

西湖志卷之八

總校董紹舒分校

王彥起校
吳鳳階校

西湖志卷之九

園亭

附書院

園圃以毓草木亭臺以望氛祲王制所有事也而

藻耀山川輝映雲日亦足以潤色太平西湖自

六龍巡幸勝迹長留而賢達者流投軌接軫卽林皋以

結宇望雲壑以考室向非際會昇平未易觀斯美

盛昔人因名園之興廢知洛陽之盛衰有以也志

園亭

孤山路

聖因寺花園 在孤山之南聖因寺內康熙四十四年

聖祖仁皇帝省方幸浙恭建

行宮於孤山之上西首為園雍正五年欽奉

上諭改為聖因寺即園中

萬歲樓恭奉

聖祖仁皇帝神御龍牌俾臣民萬世瞻仰內有

御書光碧亭雲岫閣並雙桂軒皆林巒絕勝處恭紀名勝

西湖山房 在聖因寺內正殿東南

聖祖仁皇帝御書題額北為攬勝齋恭紀名勝

御書雲峰四照亭 在孤山巔聖因寺後雍正七年總

督臣李衛建十年

御題雲峰四照扁額奉懸亭上恭紀名勝

放鶴亭 在孤山之北宋和靖處士林逋故廬也元

至元間儒學提舉余謙既葺處士之墓因植梅花

數百本構梅亭其下郡人陳子安以處士妻梅子

鶴不可偏舉乃持一鶴放之遂構鶴亭後與梅亭

並廢明嘉靖間錢塘令王鈇重建曰放鶴亭崇禎

壬申鹽運副使崔世召新之李日華重修放鶴亭記昔人次第隱逸以

聲光畏絕邈不可追如披裘石戶推居太上余日
 此程品之論也亦憎夫借徑終南佐命句曲者耳
 夫隱品當程而隱材尤當覈璞惟引虹是以貴其
 不凋劍惟犯斗是以惜其終掩彼碌碌錚錚者譬
 如猿躡樹杪穀飲澗阿頑然有生一無表見則真
 深山野人何從覓幾希之異而命之隱君哉宋和
 靖先生欽崙歷落之士也應制科不第退隱錢塘
 明聖湖初亦婚娶生子洪著有山家清供一編每
 稱先人非不妻而妻梅不子而子鶴也祥符天聖
 間二虜日驕韓范之略未能緩靖忠佞糴襍丁夏
 之黨互為水火先生吟漆室紆軫於懷故發其
 遺書有曾無封禪之句所齋之志概可見矣當日
 有繪湖景裝軸鬻錢湖上於林麓端標數字云林
 君復放鶴處先生見之曰世亦知有老逋耶後人
 想象其處作亭非先生自亭也先生一日倚杖柴
 門得句云夕寒山翠重秋淨鴈行高吟諷滿意抵
 掌曰平生讀武侯傳未嘗不心折其鴻樹然視余
 今日塵句於翠綠中覺神韻孤上翻似過之過之

者軼之也亦驚之也先生未嘗忘世世亦不能忘
 先生想見點雪冲虛絳鏹不設入瀛照影指縱由
 心飄蕭塵壒之表先生與鶴俱在耶閩崔君仲
 徵沈寥耿亮丰采毅如生平宦轍所經惠澤煦若
 春霖風稜凜於霜鏑一觸瑞焰幾燎崑墟幸霽新
 恩大節昭布來佐離司責我邦國迴翔湖山之上
 狎主駮壇之盟其品與材與和靖先生而兩雖其
 顯晦夷阻判乎各遭然皆金玉其音而糠粃萬有
 者也崇禎壬申嘉平月友人陳則梁以書來云崔
 使君割廉標勝致致未替前月一新湖心亭藍山
 人田叔監之韓太史求仲記之今又新放鶴亭徐
 文學仲斐監之吾子應記之余謝不敏既而曰是
 誠在我余既慕崔使君之品與材每坐馳明聖湖
 頭卽曾中着兩和靖而生平詮次隱逸所耿耿欲
 吐如是敢 歲久圯
 附見之

國朝康熙十二年巡撫范承謨重葺布政使李之粹榜

曰林君復放鶴處三十五年

聖祖仁皇帝御書舞鶴賦勒石孤山恭建

御碑亭於其上

平湖秋月亭 在孤山路口舊為望湖亭康熙三十

八年

聖祖仁皇帝御書平湖秋月為西湖十景之一遂建亭於

此恭紀名勝

勾留處 前浙江巡撫范承謨陞任福建總督去浙

時嘗取樂天未能拋得杭州去一半勾留是此湖

之句書勾留處於湖心亭康熙三十八年

聖祖仁皇帝臨幸西湖

御書湖心亭額遂移范書於孤山放鶴亭之南建亭以懸

之五十八年承謨子時崇為福浙總督重加修葺

繚以石垣亭臨方塘悉栽芙蕖周遭雜植花木後

為高軒數楹輔以舫齋環以曲廊左構重樓臨池

為水閣潔淨軒爽邇人懷承謨舊澤猶稱范公書

院云

敬一書院 在孤山四賢祠之右康熙二十四年巡

撫趙士麟建每月之朔集紳士耆老宣講

聖諭於此至望日會師儒講學既擢去士民卽以祠之

趙士麟西湖講堂詩二首佳麗稱兩浙風景首西湖院院仙家宅紛紛佛者徒於此有講堂乃在孤山隅月吉須讀法講說資詩書煌煌十六條

帝言合典謨勸民戒游蕩勗士學唐虞遊蕩非小害何以辨賦租唐虞亦易效孝弟可為模能勉卽上智不移乃下愚古來歌舞場最易負居諸撫軍受命來所重在封疆今者與多士稱說惟先王迂闊頗自笑功效何由彰學優乃能仕學須審詳為學貴知本亦如築斯堂堂基苟不固棟宇徒輝煌風雨能飄搖欹斜乃其常鑒此各自勵先儒卽周行計功與謀利病甚怠與荒他日翊社稷還如處膠庠

西爽亭 在孤山聖因寺之西雍正八年總督臣李

衛建詳名勝

褒忠亭 在孤山路口關帝廟左為前分巡溫處道

陳丹赤建丹赤死祖宏勳之難康熙三十三年

詔贈通政司通政使諡曰忠毅

聖祖仁皇帝御書名垂青史四字以賜因建是亭

快雪堂 秀水馮夢禎開之以南國子祭酒免遂不

復出築室孤山之麓家藏快雪時晴帖名其堂曰

快雪今為司農嚴沆別業張遂辰晚留孤山草堂詩孤山草堂絕可憐湖

深渚綠正芊綿頻年水郭蕩飛絮昨日春衣過禁煙笛近客依燈火岸酒闌人返夕陽船閑遊但使

心情在隨處
風花似渭川

清風草廬 在陸宣公祠左前吏部尙書徐潮別業

潮巡撫河南時

聖祖仁皇帝嘗

御書凜矢清風四大字

賜潮潮因以名其廬凜

聖訓也中有樓舊名風滿樓後取東坡句改雨奇晴好之

樓背倚石壁爲軒數楹修竹萬竿參蔽天日湖上

園榭雖多銷夏者以此爲選勝場焉沈近思清風
草廬詩結屋

蒼厓下風來蘋末多湖光收玉鏡山翠滿雲蘿京
月忽移榜清秋一放歌因風懷吏部高躅寄庭柯

西湖書院 明成化間布政使甯良等建以居大理

卿郡人夏時正名孤山書院西太乙宮故址也建

書庫捐贍田以待四方學子又名西湖書院夏時
正孤

山書院種梅方伯祁陽甯公攜樽見過詩占斷層
崖學種梅呼朋踏破白雲堆自憐結屋青山住不
謂乘春畫舫來竹下倒裳迎使節花間供具促吟
杯都非詔遣旌求急鷗鷺無煩著意猜徐奇西湖
書院詩天上歸來畫錦行一區書屋傍湖成身如
五柳先生懶心似孤山處士清松下研硃朝露滴
竹西開卷夕陽明遙知載述
中宵候萬丈文光北斗平 歲久圯

國朝康熙二十五年督學王揆於跨虹橋之西重構爲

講學之所門對麴院中為講堂三楹後為層樓翼以廊廡為諸生肄業之所仍名西湖書院云

崇文書院 在跨虹橋西明萬曆間巡鹽御史葉永

盛視齋之餘集內商子弟於西湖之跨虹橋西授

以題命各就舫中屬文舫皆散去少焉畫角一聲

羣舫畢集各以文進面定甲乙名曰舫課去官後

商士思之就其地建書院中奉朱子神位而以其

後寢祀永盛春秋配饗印以餒餘為舫課積其文

於齋使者評騭焉

國朝康熙四十四年

聖祖仁皇帝御題正學闡教四字

賜為額爰鼎新之榜曰崇文中為饗堂闢其左為亭敬摹

御書勒石崇奉後為敬修堂為諸生齋舍雍正十一年鹽

驛道張若震重修規制大備姚之駟重修崇文書院記治世教育人材

成均以萃入方之士郡縣學以萃鄉國之士而又設為書院以講學其中鷺湖鹿洞自昔為昭今

聖天子在上特於省會書院大沛殊恩良以書院之建

學校之助也然非宦斯土者以教育人材是亟為

之振興而鼓舞則其事亦難永久而不敝西湖故

有書院名崇文為新安人士肄業之所明直指葉

公雅有造士之德因創斯地以尸視之堂皇之上

敬祠徽國文公歲祀罔缺吾鄉士大夫習禮於斯

兼課文藝聲華鵲起科第蟬聯蓋百數十年於茲矣康熙四十四年恭遇

聖祖南巡御書正學

闡教之額頒賜院內日華雲爛朗耀湖山多士益爭自濯磨文風日上雍正十一年大都運桐城張公來督辦政公以黃閣世家鴻文駿業昭昭在人耳目莅任後恤商惠民庶政具修而尤以教育人材為己任春秋書院祀事必躬必親酌爵之餘恆集諸生諄諄以進德修業相勗因環顧祠宇多為風雨剝蝕且講堂誦舍缺焉未周無皋比之座學徒末由矜式慨然思所以振興而鼓舞之爰命巵商閱其廢缺酌所修舉凡木石之需巵聖之費計鏹如千延師之脰脯集課之膳修優獎之楮穎閱年計鏹如千兩分巵各為捐貲餘俱按引輸費歲以為常巵業諸君罔不踴躍從事一時祠宇堂舍煥然稱鉅麗觀公乃慎擇經師延進士施君學川為設絳帳由是策杖負笈之徒蒸然雲集會而課者月至三四百人校其文而甲乙之公加以品

宸翰

當思學何以正教何以闡昔文公誨士必先器識而後文藝凡我同學之人務期砥躬礪行上以答盛朝造士之弘恩下以體我公樂育之雅意橫經問業一惟徽國公是景是仰由是發為文章可以麗日星垂金石顯為事業可以立丹陛奠蒼生則其文斯為大文其崇斯為至崇矣多士戴公之德謀一言以鑿諸石余不敏向附崇文之末班恭承嘉惠竊與有榮觀焉遂不辭而為之記

曲院風荷亭 在蘇隄跨虹橋西康熙三十八年

聖祖仁皇帝御書曲院風荷為西湖十景之一遂建亭其

處內有迎薰閣東為望春樓恭紀名勝

御題竹素園 在湖山神廟西雍正九年總督臣李衛

闢地為園創建亭宇十年恭奉

皇上御書竹素園三字額懸正廳內有流觴亭水月亭

臨花舫觀瀑軒聚景樓俱擅湖山之勝恭紀名勝

流觴亭 在竹素園內引桃溪之水屈曲環繞可以

流觴李衛流觴亭題額西湖名勝甲天下所少者飛瀑橫空懸流直下此唐宋諸賢吟咏之餘

未能無遺憾也余既改建漢關壯繆侯神祠於金沙港頗具勝槩祠之北岸尚少映帶創為湖山神

廟以為後障有泉一道循山而下噴珠灑雪響珮鳴環曲折流貫於祠之右偏豈前賢搜剔未盡抑

山水之勝亦必待其時而始顯耶行則聲隨坐可

手掬即仿以古人流觴之製誰曰不宜結亭其傍

以志西湖瀑流之勝實自今日始

水月亭 在竹素園內流觴亭之南前臨湖面後繞

溪流水月交輝此為絕勝李衛水月亭記余既建湖山神廟於曲院荷風

之西而列十有二月及閏月花神像以配之山水

之明秀草木之英華數千年遊屐所往來耳目所

應接編戶之民終歲食湖之利卒未知湖山花柳

之有功於人今而後有所以酬報之矣因念和風

化日聖世之光華無物不照無遠不被而獨於暮煙方合一

輪行天嵐岫沈波星河倒影登高望遠則鏡面平

鋪鼓楫中流則金光蕩漾桂魄蟾光映西湖而倍

加精采生居湖上與往來湖中者宜其懷思眷戀

而不置也夫太陰垂照幽隱必周月光之非西湖

得私豈待言哉然而境偏則眼界不寬地僻則襟懷不曠有山無水則嶽嶸而無所與容有水無山則泛濫而不知所極山不環聚則月之精神散而不收水不澄清則月之光彩淆而不潔無亭臺高下之勝則不能掩映成奇無橋梁隄岸之繞則不能混盪生致而且霜深雪積見月而感慨生巨壑深秋得月而毛髮豎甚至孤鶻橫江峽猿嘯夜荒郊僻野地闊人稀月之光華其亦無所棲泊矣豈若西湖之上自一鉤以迄如輪見者無不賞賞者無不愛惜流連而不能自己上而冠蓋下而擔負莫不朝中秋而暮元夕也猗歟盛哉何其悅人目而怡人情也湖山神廟之西剩有隙地清泉一道曲折流繞其間地既高曠泉復滌洄築亭其上而顏之曰水月落成之日杭民間者驚告見者欣喜余乃進而論之曰

聖天子奮至德之光建中和之極以普被萬民爾民歲獲豐盈心志和暢以故得優游閒暇徜徉於名山勝水之間既卜其書又卜其夜領略此朔望晦弦

之景象夫亦稱仁講讓力穡服疇退而思所以答離明之治則不禁跂予望之

蘇隄春曉樓 在蘇隄望山橋之南康熙三十八年

聖祖仁皇帝御書蘇隄春曉為西湖十景之首恭建

御碑亭雍正八年總督臣李衛以亭隘不稱瞻仰爰建岑

樓崇奉

天章雲霞絢彩遂於樓側復構一亭題曰曙霞恭紀名勝

關帝祠花園 在金沙港雍正九年總督臣李衛既

修建關帝祠遂於祠西闢地為園由正殿迴廊啟

徑而入壘石為山疏泉為池襍蒔卉木創置亭宇

軒楹玲瓏闌楯銜接上有星橋月榭遠矚全湖之

勝望之如十洲三島真神仙洞府也詳名勝

垂釣亭 在關帝祠內俯臨金沙澗水淨沙明白居

易冷泉亭記云可垂釣於枕上斯亭得之故名

丁家山亭 丁家山在金沙港西南上有高阜平臨

湖曲雍正九年發石為磴道建亭其上季衛丁家山亭題額

關壯繆侯祠南對丁家山草木蒙翳未稱眺覽余方周視審度思所以增飾之適奉

詔入覲嗣即移節保陽今年春承命來南過西湖重登此山亭臺高下曲磴紆迴片石拔

地而起山巔天然一池羣峰攢矗展萼敷華別自成一境界茲山舊不入遊覽志前人題咏寂然無

聞今則笠屐如雲臙舟湖上者又將指此為第一勝觀矣癸丑暮春題 復於山半更

置一亭高下相映山上多紫石玲瓏秀削狀類蕉

葉為軒數楹曰蕉石山房厲鶚同吳繡谷遊丁家山新亭詩百轉鶯闌百

舌催游人爭向此山來雙亭半倚林蘿出一壑中分紫翠開笑挽風光歸健筆醉邀湖影入深杯平生野服宜春服惹得松花竹粉回

湖心亭 在全湖中心舊有湖心寺寺外三塔鼎峙

明孝宗時寺與塔俱燬嘉靖中知府孫孟尋遺址

建亭萬曆中按察僉事徐廷祿重建西湖遊覽志萬曆四年僉

事姑蘇徐廷祿大叅海虞王竺錢塘尹西蜀姜召同建亭額有太虛一點宛在水中央之題司禮孫

隆重砌四礪升為考聶心湯縣志稱湖心寺外三

重簷改日喜清閣

增其中增南增並廢乃即北增基建亭名湖心亭

復於舊寺基重建德生堂為放生之所據此則舊

湖心寺乃今之放生池而今之湖心亭乃三增中

北一增之基也

國朝康熙三十八年

聖祖仁皇帝御書靜觀萬類四字又於閣上

御書天然圖畫額雍正五年重加增葺

許叔夏湖心亭詩
風起青萍紫翠浮日送歸鴻何處去碧天明月夜
悠悠張萱湖心亭即景詩張玉周遭澹欲無三潭

深處一亭孤疏鐘度水寺邊寺野艇依林湖外湖

日落雲容渾自懶春殘病骨未全蘇開尊不用邀

明月已探驪龍領下珠祝時泰湖心亭詩湖心塔

寺昔曾經孤嶼今來見此亭新水影搖雙檻碧舊

山光映四檐青煙花地遠春誰主澗壑風生酒自

醒一曲滄浪蘿月白石門長日野雲局王寅湖心

亭詩雨後湖波漾轉嬌爛銀盤裏坐吹簫四圍蘭

漿三千頃雙帶桃花十二橋亭壓蛟宮翻晚照沙

沉增廟說前朝虛窗鷗鳥時來往自識幽情不用

招劉子伯湖心亭詩湖心亭子枕澄波一片湖光

似鏡磨春草遠堤盤翠帶好山當面點青螺煙開

沙觜飛銀鷺酒瀉仙壘勸玉娥疑向水晶宮裏渡

月明猶自沸笙歌方九敘湖心亭詩滄波縈繞小

亭幽來往惟憑一葉舟三增已沉青草沒兩峰相

對黛煙浮潭心影動疑鮫室風裏翬飛似蜃樓何

用乘槎霄漢去藏鴉門外即瀛洲童漢臣湖心亭

詩春山匝水四簾青繞座輕鷗點綠汀魚影萍開

惟容度雀舫山閣溪橋吟
咏遍煙波長對此虛亭

花港觀魚亭 在蘇隄映波橋之南康熙三十八年

聖祖仁皇帝御書花港觀魚扁額建亭其處恭紀名勝

三潭印月亭 在放生池之前重建三塔奉

聖祖仁皇帝御書扁額建亭其上恭紀名勝

南山路

問水亭 在湧金門外柳洲二賢祠之左明萬曆間

司禮孫隆建為艤舟解維繫纜之所今為關帝廟

而舟人猶稱問水亭焉王思任問水亭詩我來一清步猶未拾寒煙燈外兼

星外沙邊更檻邊孤山供好月高雁語空天辛苦
西湖水人眠即熟眠丁文策問水亭詩問水亭邊
問水濱西湖常占四時春六橋桃李遙攀檝三竺
煙雲已撩人畫舫纔登簫鼓動油車初出髻鬢新
長年試訊何方泊
逢着鶯花展坐茵

柳浪聞鶯亭 在湧金門南錢王祠右康熙三十八

年奉

聖祖仁皇帝御書扁額建亭其處恭紀名勝

南屏曉鐘亭 在南屏山淨慈寺前舊稱南屏晚鐘

康熙三十八年

聖祖仁皇帝御題十景改南屏曉鐘建亭其處恭紀名勝

雷峰西照亭 在雷峰上峰頂有塔舊稱雷峰夕照

康熙三十八年

聖祖仁皇帝御題十景改雷峰西照建亭其處恭紀名勝

藕花居 在淨慈寺前明洪武間僧廣衍建為南屏

八景之一

國朝康熙二十三年巡撫王國安重葺去後浙人即以
祠之外樹石坊題曰藕花書院進內夾道皆方塘
廣可數十畝盡栽紅蓮芳氣襲人中構小屏門內
有堂有亭軒窗靜潔後臨新開淨慈寺河藕花尤

盛王守仁藕花居詩掩映紅妝莫浪猜隔林知是藕花開共君醉臥不須扇自有香風拂面來

南山亭 在淨慈寺側南屏山麓下有精舍曰壑菴
郡人汪之萼廬墓處也菴多奇石疏數偃仰類形
合勢清泉周流若環若玦剝木作橋實以拳石竹
欄扶之池岸饒嘉木美箭被以芙蓉遊觀者契集
號賽西湖菴側為嬾窩山菴而上為幽居洞洞上
為司馬溫公摩崖碑崖側為米芾書琴臺字其陽
為南山亭之萼之孫守湜建迤邐而上為文昌祠
準提閣祠側巖隙有之萼子于高書叱石崩雲四

大字山徑至此石益奇地益高所見益遠左江右

湖如在几席矣

王曾祥南山亭記汪君又持龍泉教授歸年屆六十矣其子廷對廷

揚謀所以樂其志者以西湖壑庵為曾大父廬墓處中饒迴池沓鳥露倚金鯽之勝君每樂而安之謂將投老於此菴後踰層崖履積石琴臺嵌空南屏障列餘地徑輪敞可四矚而無以勞安而倦息杖履所及恆嗛嗛焉爰是輦囊焚翳夷堆實窪承蓋以延祀階用砥艘不侈丹甍惟呈素曾不積日為亭翼然既乃飲眾落成倚檻遠眺則山風颯颯嶺雲嵯峨丹崖蓋張慧日幢豎明湖遠白孤嶼含青貞松老杉機羅駢織經舟緯織萍聚鳧沒麗囑媚神莫可概舉若邑里隔望而喧埃不及陰暉遞來而茹吐屢變則高空之觀希夷之游莫有樂於此者矣且夫神物蟄蟠所以全力也曠士晏息所以恬心也心恬體寧機劇不紛撥穢易韻耳虛目明乃以永生是則先生之息此亭也融煦嫗於高

膺滌炎歊於虛叢挹顛氣於爽宇延陽旭於幽扇委順嘉運宣節勞形其不足頤神遠算暢和葆真也歟時流飲既酣襟裾之屬合詞以稱謂子誠能樂志而君且與山並壽也因名以南山而拈會祥記之蘇輪雨霽泛舟湖上至壑菴小飲詩積雨纔初霽輕舟泝大隄香荷翻碧浪綠樹映紅泥天插羣峰小城橫半壁低無人來把釣有客獨扶藜雙塢盤雲出幽禽隔岸啼遣懷長夏好隨意一樽攜入洞穿丹嶂飛泉引素霓木橋何屈曲竹屋任東西躡磴尋高跡攀蘿閱舊題土花寒漠漠石氣冷淒淒虛壁龍蛇走空林鳥雀栖草蟲疑促織山果似棠梨鐘鼓優曇域煙霞桃李蹊倦將苔作席醉欲飲如鯢性癖耽邱壑心閒狎鹿麕幾時餐玉鱸今日煮金虀三竺嵐光合南屏翠色迷歸來明月上一路紫驢嘶吳斯銘過壑庵登南山亭和朱彝尊遊南屏韻出郭罩輕陰雲防礙車惡須臾涼颺生得穩登山約船開泝空明潑刺池畔泊紅闌雁齒柱粉壁鳳尾諾左右白森瀾南北青岑粵綠

澄荷跼莖黃微柳縈絳解衣循虛廊騁目凭高閣
 隊可狎鷗鷺嘯且侶鸞鶴氣爽輕欲飛天碧淨如
 聖如何不命酒况有花作箔欣看急鷓遞何待銀
 瓶索肥比駝蹄烹瑩或熊肪削鳧斟羹濃醃魚
 翅脆薄呼撐面面臆航樓崇拱構瑟瑟菰沉米
 較蓼吐萼四座方高談全湖已半掠主人揖客入
 小有菴名壑經營適在初舛蟹冀有托墻有數堵
 環地僅一弓拓嫪戀切杯捲忠誠矢葵藿衣冠神
 游晏子姓拜趨趨樹人兼樹木松杉栝柏柞植德
 園擬淇習禮圃仿矍旁且闕佛龕僧飯煮土饌專
 以給洒掃兼以儲耜鑄導客躡山椒有亭高霍霍
 平湖既涵如南山且拱若煙雲疊成畝竹樹亂於
 籀玲瓏石丈人誰為此闔廓疑躡仍似動將墜忽
 又絡或奔或若臥一迎更一卻怒類虎毯種娟賽
 女約綽因瞻宋鐫壁山骨供凌鏢易卦及中庸温
 公字整鑿足跡疑未經芳名勒盤礴勝境愛題識
 逸槩儼今昨云亭泥檢文茲豈所訪落至今好事
 多椎拓翠珉攫玉孕當含中醜疥徒侵膜祗羸後

來者懸崖恣捫摸餘興未遽窮攀蘿越危徇松風
 振颼颼塵袂漲洋漠二客不能從童戩甘罰爵淋
 漓促觥籌餽釘列珍錯計晷追下春罇餽代蒔臙
 醕酌荷筒傾咄嗟萍蘼嚼竟日得盤辟同鄉聚笑
 噓婆然此一翁亦附扞快樂那可不永言昔有斐
 然作無負南屏遊抽思許盍各疇能辨厥味醒齏
 與酥酪陽春美難繼皇芩調應莫句必力排寡工
 不在塗艘行行暮靄來孤鴻叫西郭炊縷互林巒
 月鉤晃荒窳客方萃輿僂吏將闔鎖鑰似此紀清
 遊孰晒飲狂藥君其三雅擅我聊一醉博佳景追
 易逋只愁手腕弱有如其
 讀遺經一一添注腳

醒心書屋

在花港之西文學戴大受讀書處大受

著世寶醒心畜德諸錄因以名其書屋有山梅古

柏掩映湖濱

玉岑書院 在赤山埠督學汪濬校士兩浙七年每與諸生講學其地去任後多士醵金歲修中堂三楹旁爲舫齋軒窗明淨庖湏備具以地少僻左故游跡罕到而空山宵冥水木明瑟抱經之士往往於此誦習焉

匏菴 在南山滿覺院舊址之傍錢塘吳名溢廬墓之所近九溪十八澗泉石深邃樹木蒼翳循山爲廊中構栩栩閣溪流一道縈繞閣前激石聲泐泐冬夏不竭隔溪巨竹千竿蔽滿山谷蒼翠可愛閣

爲袁太守于令題額陳洪綬爲書杜句云側身天地更懷古回首風塵甘息機可想見其風致矣卒後卽葬於其傍所手植桂樹一株根倚巖石高不盈丈輪囷數圍爲翁山老桂之冠

江潮偉觀亭 在慈雲嶺

敷文書院 在鳳凰山西嶺宋爲報恩寺元廢明弘治十一年浙江右參政周本因廢寺舊址改建萬松書院上有芙蓉巖可汲亭石匣泉稍西有水雲亭振衣亭中有飛躍軒西有留月臺東有玉湖臺

中有毓秀閣稍西有如圭峰明道堂右有居仁齋
 左有由義齋又有顏樂會唯二亭嘉靖三十三年
 杭州知府孫孟重建明道堂及居仁齋由義齋萬
 曆五年巡鹽御史馬應夢即毓秀閣北建繼道堂
 翼以窮理居敬二齋歲久盡圯

國朝康熙十年巡撫范承謨重建康熙五十五年巡撫
 徐元夢奉

聖祖仁皇帝御書浙水敷文四大字敬懸中堂並勒石焉
 後有正誼堂存誠閣逶迤而西有亭翼然巡撫朱

軾顏曰玩心高明又前有軒顏曰表裏洞然稍西
 有載道亭督學汪澐顏曰與灑氣俱登山遐矚左
 江右湖如在襟帶萬松離立謾謾作聲中多怪石
 爭獍奇特不可名狀夾以桃柳梅杏檉桐杉桂之
 屬四時繁英繽紛綠陰翳歷凡肄業諸生藏修息
 游足暢胸臆湖濱勝概此為巨麗云
周長發敷文書院紀事用
 東坡石鼓歌韻詩倚蓋廣輪肇子丑孔卓寅人覺
 童叟吳山俎豆續瓣香浙水珪璋駿奔走堂廡南
 開松嶺顛鼓鐘東振錢江口女墻雉影案羅前湖
 鏡螺痕光跋後儼上嵩衡俯萬千恍窺雲夢吞八
 宸翰親頒自玉除璽書文錫光瑤斗星躔的皜照心胸

河嶽橫空落腕肘開府憲邦崇棧樸丹鉛甲乙分
 苗莠驚湖鹿洞難追師雲龍幸見孟韓友瓊枝舊
 識棲鳳鸞鍛羽何期選鵲登陟高山翦蓬藿摩
 抄斷碣辨蛇蚪掘衣稽首拜宮墻展席雍容指眉
 耆沅芷澧蘭初眾香枯桐椽竹異羣嗾共礪人倫
 作撫楛盡呈廊廟儲贊占上詩典墳植根柢下搜
 箴賦資矇眊六經光遠燭天漢一簣功虧等培塿
 擲地會知自有聲奏刀還覺游無厚毋隨薄俗鬪
 戔戔肯逐聲華標某某景慶欣逢闢四門榷榘更
 喜羅九有東西海外貢貝琛南北山中賦栲栳養
 澤久能隱霧豹篋巾豈復陳芻狗嗣宗莫漫悲途
 窮李廣何須嗟不偶譬若挽強破侯鵠左有騶虞
 右狸首徐看玉尺細判衡敢向唾壺恣擊掎懷珍
 待聘願少安伐異黨同又何取滿堂磊落皆英姿
 多士刮磨判光垢鍼芥文章固有神襟懷冰雪尤
 當守

聖主賢臣重瞽宗士風炳蔚傳不朽賤子藉手樂觀成
 還擬重鐫金石壽鄭江題敷文書院石壁詩清齋

規十笏西壁鑿混元斑駁繡莓苔硃碑多斧痕壁
 若畫品中顧陸稱最尊亦復雜荆關細皴雲嵐翻
 巖峰卓立更雄特日月虧蔽烟霞吞偶上載道亭
 石氣迎朝暎青蒼薄蝕眩皆隄陡令十指揮塚不
 敢捫直者銛鏘森劍戟橫者僵臥蹲鼉龜巨者高
 峙整玉珮細者犖確埋芳蓀大字擘窠辯蝌蚪淝
 漫古色堆彝樽欲與詩人鬪奇險瞥見膽落如驚
 温傍崖剔雪蘇倚樹搜霜根激泉溜雨莽清澈還
 向磴道尋溪源自愛丈人置邱壑長住空谷辭
 籬藩我思喚起襄陽顛日久低頭下拜無違言

觀風偶憩亭 在敷文書院之左雍正四年總督 臣
 李衛重修書院遂建是亭並題額焉

北山路

亭子灣亭 出湧金門而北沿隄植柳古名柳洲稍

折而西水流灣曲曰亭子灣舊有亭久廢雍正八

年總督臣李衛建關帝廟復構一亭以存舊跡亭

前稜植卉木多種秋色紅紫爛然可觀臨水夾以

竹籬啟雙扉以便登泊

較射亭 在亭子灣地接城闔可容騎射水際構亭

以為較閱之所雍正八年創建

詳名勝

鏡閣 在錢塘門外

高士奇西湖鏡閣詩西湖湖水連天碧萬頃琉璃浸山色翠幙

青旗映遠空層厓疊巘爭奇特曉霧輕籠二月天
桃花含露柳含煙金羈寶勒游春騎烏榜蘭橈載
酒船酒船遊騎紛爭逐鷺管鷓絃聲斷續但飾歌
亭鬪綺羅誰支傑閣供遐矚我昔曾從湖上游錢

塘門外有高樓檻前細浪千鱗蹙檻外雲霞一掌
收聞說當年全盛日風流文沈時時集鏡閣親經
待詔題花香流水傳遺筆愛客無過閣裏人嗟箋
茗椀娛秋春批風抹月屏俗慮雲房竹塢無纖塵
我聞此語輒徙倚欲往從之渺煙水幾載悲歌作
浪遊相逢忽在長安市客市蕭條春暮時落花寂
寂柳絲絲與君細話家
山好筍蕨村醪繫夢思

南陽書院 在錢塘門外面湖背郭督學彭始搏嘗

講學其地受代去諸生更為增飾樓榭雜蒔花木

榜曰南陽從始搏郡望也

就莊 在斷橋東前萊州知府海寧陳謙別墅沿隄

插柳結籬為門顏曰亦吾廬門內左右兩池並種

臺蓮上有芙蓉梅花護以枳槿池北壘石為山洞之西題曰就莊入門而東叢桂翳鬱石砌臺五六級緗梅綠萼上下掩映間以碧桃山茶海棠臺上為拙娛草堂堂後為止止軒俯臨石澗名君子泉謙白為銘曰旱不乾澇不溢師此水攸好德對面黃石山橫互十餘丈左轉為滋蘭室南為浣雲館欄楹之外平挹湖面東為芥舟館西拾級而登為浮槎槎右為流天閣閣之北為壺中入壺而左為多態樓取東坡詩湖山故多態之義按西湖遊

覽志云此地舊有飡秀閣後為片石居最後為華亭董其昌別業今浣雲館額尚為其昌手書又考南宋此地為水月園故址方岳題水月園詩有翁之樂者山林也客亦知夫水月乎之句其地向為名流所居深得水月之趣而恰當斷橋殘雪之左雪色尤可愛云

陳許就莊壺中歌枕夢宦一生橘隱棋兩叟笑彼偏側徒跼踣在高厚徙漠鬪觸蠻等是無何有乃知塵寰中何處判淨垢而况高人胸異境隨指取西湖天下景肩摩趾錯蹂是名雲水鄉亦號塵全藪就莊如隔凡塊蘇視花柳中又有壺中別一混沌剖冰玉清在懸蓬瀛仙亦友跳身寢處寬樊籠謝揮手團圞劣容膝浮沉非濡首主歡詩盈瓢賓醉鴟餘酒當其日

月長晦明吾戶牖因思天壤間如卵蕃鷄鷄居諸
 兩彈丸流峙一筮簾自其隘者觀養天競于隅方
 寸若有餘雲夢吞八九遙憶壺中人仙班指誰某
 尻輪吾過從不待牛馬走陳恂夏至集就莊限魚
 字韻詩明湖澄夏景清流拭吾廬高柳列衡門下
 蔭新芙蓉當樓紅欲然海榴灼庭除登高發長嘯
 有客何魚魚委懷在山水樂志惟琴書遠采淮海
 風近攬吳淞祛日歸詣就莊涉歷多不如西湖天
 下無況茲日至初耦耕事沮溺莫笑溷樵漁又流
 天閣聽雨詩雲合千山晚風生萬樹秋雷車驚日
 御霧障吐蚩尤潑墨米家筆衝波羽客舟奇觀應
 叫絕爽氣滿湖樓陳謙山莊春望詩高下梅花不
 亂行閒情只合為花忙十年種樹雲歸岫一覽登
 樓春滿莊水鏡獨清塵網隔槽邱吾老玉缸香山
 窗莫患居無竹墻
 外琅玕映女郎

斷橋殘雪亭 在斷橋上康熙三十八年

聖祖仁皇帝御題十景書斷橋殘雪即於橋上建亭恭紀名勝

來鳳亭 寶石山形若翔鳳保叔堦在其巔宛如鳳

味堦下舊有天然圖畫閣久廢雍正九年總督臣

李衛建亭題曰來鳳

八仙莊 在葛嶺下面錦帶橋背壽星巖按舊志為

宋平章賈似道游觀之地似道聞仙樂空中迭奏

遂鑿石仙八座因以名莊內有鏡湖樓樓極宏敞

今為學士陳恂別業石八仙順治初移置通元觀

丹井山房 在葛嶺下門臨湖面進內為迴廊結草

西湖志 卷九
堂三楹其北爲丙舍折而西有屋數楹面臨方井
水色白味甘深廣各丈許考西湖遊覽志葛洪遊
江左好神仙導養之術後結廬西湖因其所居遂
名葛嶺今其地原近葛翁之居第遊覽志止稱嶺
上有甘露泉梅泉並不言丹井惟姚靖志指智果
寺西南之井爲葛翁井并引漁人啗丹得壽之說
以實之似未可信然張伯雨詩云一宿葛洪丹井
上則其地有井沿其說者舊矣此井甘冽異常因
收幕園中知之者鮮園爲故侍御顧豹文別業雍

正九年其子之珽復葺而新之豹文又闢園於城

北名願圃池塘廣數畝高閣立水中山石坡陀衍

迤位置天成張南垣所疊爲武林假山之最云王

正丹井山房記西湖秀甲天下瀕湖諸山最勝者
曰葛嶺葛嶺之陽撮奇得要鬱然而陰幽然而曠
者吾友侍御且庵丹井山房是也侍御起家進士
望隆朝二因親老乞養早賦遂初題其所居曰養
志堂復因葛嶺之勝作爲亭館平臺曲榭聯以長
廊週以繚垣嘉卉美石經緯錯迕每至春風澹沲
秋日清瑩奉其尊人優游杖履其閒復與二三同
志流連倡和於以導和納粹蠲煩析醒蓋自是堅
臥林泉不復有出山之志矣余與侍御爲同年交
別且垂三十載一官匏繫浮沉京洛湖山風景付
之夢游客有從浙中來者爲余述西泠朋舊首及
侍御山居之樂輒不禁爲之神往焉遂援筆記之

杭世駿丹井山房詩四首相逢猿鶴亦比鄰
 嶺裏溪山花外身招得林逋爲主客一枝秋影拜詞人
 三間黃篔簹稱間居驄馬歸來奉板輿
 比似橫山潭畔路居民猶說顧尙書
 佳兒絕類王文度名宦居然陽道州
 猶有風流在巖壑花時高臥海棠樓
 幾點秋陰上蔣菰過橋人指輞川圖
 雜蔬五畝竹千箇不數岷山宅一區

翁莊 在葛嶺之下明季翁開之別業中有湛華亭
 額爲開之手書亭後有池池上水閣四楹西爲小
 軒二楹迴廊曲折通於亭上庭前老桂婆娑猶開
 之手植曾孫廣東提學副使嵩年拓而新之中建

御書碑亭恭勒

聖祖仁皇帝御賜朱子詩及臨董其昌書於亭上階前古

桂五株大可合抱干霄蔽日花時香飄雲外其下
 結屋數楹題曰天香書屋後有小池味極甘冽甲
 於葛嶺諸泉惜名不傳疏爲曲沼通於湛華亭後
 水閣之池架以石梁環以曲闌前有殿春舫植牡
 丹數十本又前爲水樓三楹平臨湖面其書屋舊
 址向爲前大學士黃機別業機退老於此自題曰
 漁家歿後歸翁由是改築遂合湛華亭爲一云
 小輞川 在葛嶺下前少詹事邵遠平別墅中爲堂

三楹奉懸

聖祖仁皇帝所賜御書蓬觀二字扁額後為三弘一致堂

祀其高祖經邦遺像經邦著書有弘簡弘道弘藝

三錄建樓貯焉面湖有樓名四可內有軒曰笑笑

有齋曰筆花古桂四株連蜷偃蹇花時香聞數百

武志稱吳大山乞休歸築室西湖植老桂修篁顏

曰輞川此即其故基也

邵錫光小輞川藏書樓記

地數弓負葛嶺面孤山湖水縈其前左右石橋如
綴蝟故王叔明畫樓也先大夫購以為別業以歸
先比部弘齋公所著書遂奉公像祀焉先大夫歸
老之日坐臥其中著書凡若干卷因亦肖像其旁

先是弘齋公藏書樓在玉泉山明神宗時從高祖

古菴公改卜靈鷲山之下至是凡三徙矣余讀禮

歸以地校雛燕息之暇仰而思俯而泣曰是先比

部靈爽所憑也是先大夫之所朝夕瞻依皇皇焉

而有餘慕者也夫以先比部之忠清亮節其神固

無往不在即其所著書亦既上呈乙夜之覽流播

宇內初不必擇地守之以示無失墜特以為之子

孫者凡先人一游息一吟嘯之所皆將有優見愾

聞之意而况其生平手澤之所存歟此先大夫之

所為倦倦於斯者且藏書樓之卜於玉泉徙而

靈鷲又詎知其輾轉而徙於茲雖曰有數亦以見

締造之與守成若斯之難也然則先大夫之作

為此樓也為子若孫者其又宜何如敬守之歟若

夫斯樓登覽之勝四時煙雲霽晦之景與夫嘉木

美竹之可喜者則名公鉅卿數見於篇什矣茲不

復道也邵遠平小輞川落成奉高祖遺像祀焉恭
紀詩卜築城西路霏微積翠環忠魂棲聖水大業

副名山老桂香猶在修篁淚已斑柴門清絕處都
 似不關關自注公司權荊州三月稅額已足自是
 任人往來商民謠曰不關關邵長蘅湖上宿小輞
 川詩新綠漲湖岸宿雲擁南屏孤山如舊識相送
 一樓青侵曉上山脚寂不聞鳥語石上滑青苔竹
 間滴殘雨邵聲遠四可樓晚眺詩獨倚高樓上幽
 懷亦灑然水明沽酒火門泊賣魚船淡月穿深樹
 疏鐘隔暮煙臨風思舊德長戀白雲邊吳允嘉輞
 川館看桂詩高秋漸覺酒懷寬曉出探花露未乾
 隱士獨分天上種姮娥只在月中看不將艷色爭
 黃菊自有幽香鬪木蘭即此小
 山吾欲老一枝折取報劉安

鏡水樓

在葛嶺之麓地約二畝餘築室數楹面孤

山隔岸白沙隄環繞如帶臨湖更起一樓題曰鏡

水南屏鳳凰諸山歷歷在目並鄰輞川秋時老桂

作花拂筵襲几自成馨逸仁和趙鶴建

趙莊 在鏡水樓左工部侍郎趙殿最別業

洗心亭 在清漣寺內面臨玉泉方塘如鏡游魚泳

躍清澈見底雍正六年總督臣李衛建亭其上顏

曰洗心自為記詳寺觀

雙峰插雲亭 在行春橋西正對南北兩峰康熙三

十八年

聖祖仁皇帝御題十景改兩峰為雙峰建亭其處

恭紀名勝

九里松亭 在行春橋南集慶寺北舊稱一字門久

圯吳說書亦無存今為路亭尚仍故處詳占蹟

冷泉亭 在飛來峰下雲林寺前唐刺史元與建舊

傳冷泉深廣可通舟楫亭在水中宋郡守毛友移

置岸上亭倚泉而立西湖遊覽志云冷泉二字白

樂天書蘇子瞻續書亭字今皆亡矣亭扁為盱江

左贊隸今為明華亭董其昌書白居易冷泉亭記

為最由郡言靈隱寺為尤由寺觀冷泉亭為甲亭
在山下水中央寺西南隅高不倍尋廣不累丈而
撮奇得要地搜勝槩物無遯形春之日吾愛其草
薰薰木欣欣可以導和納粹暢人血氣夏之夜吾
愛其泉淅淅風泠泠可以蠲煩析醒起人心情山
樹為蓋崖石為屏雲從棟生水與階平坐而翫之

者可濯足於牀下臥而狎之者可垂釣於枕上矧
又潺湲潔澈粹冷柔滑若俗士若道人眼耳之塵
心舌之垢不待盥滌見輒除去潛利陰益可勝言
哉斯所以最餘杭而甲靈隱也杭自郡城抵四封
叢山複湖易為形勝先是領郡者有相里君造虛
白亭有韓僕射舉作候仙亭有裴庶子棠棣作觀
風亭有盧給事元輔作見山亭及右司郎中河南
元黃最後作此亭於是五亭相望如指之列可謂
佳境殫矣能事畢矣雖有敏心巧日無所加焉故
吾繼之述而不作僧如璧新廣冷泉亭記靈隱冷
泉其源出於寺西南百步之近直寺之前瀦而為
池唐刺史河南元黃作亭池上後刺史白公居易
記之刻石亭中其敘勝槩甚備然士大夫有識者
猶以池量狹陋為未足以盡冷泉之美蓋三百年
於此矣政和初兵部尚書張公以龍圖閣學士出
守是郡暇日醺客池上徜徉不忍去意將廓而大
之長老雲公樂然用其說撤屋斷地伐石為隄東
西三倍其初南北半之長松巨檜不改其列而池

已浩乎大矣池傍故有巖竇欽巖空洞如刻如斲
 至是揚波石中倒影水面湛淨明碧不以有魚鼈
 而豢蛟龍使人登此亭者超然有絕人遺物之意
 餘波渺瀾浮閣而下者雷奔電激飛雪噴霧使人
 臨是池者恍然如在天台廬阜窺石橋而睨三峽
 莫知其在此湖山俯仰之間也嗟夫天下之物用之
 有不極其材駭雞之犀夜光之璧世有不盡見其
 美者古今之通患是舉也能使累世未盡之奇一
 日呈露蓋張公之意而雲老之力此豈偶然哉亦
 嘗徘徊周覽壁間之題如唐丞相李嶠裴度裴休
 與夫元稹張籍之徒讀其詩未嘗不想其人是數
 公者功名文彩照耀後世今其流風遺澤固已雲
 散夢掃漠若與凡輩共盡而斯泉固自如也於是
 慨然而嘆今此地已三廣冷泉之名當益張士大
 夫之遊者當益眾援筆而賦者當益多然逝者如
 流日遷月謝客一過之或昔少而今壯或昔壯而
 今老盛衰得失相尋於無窮後之視今將猶今之
 視昔則視斯池者亦可矍然以驚翻然而懼矣孫

冷泉亭舊在水中考冷泉亭之建於刺史元夔
 也樂天踵而記之其曰亭在山下水中故可濯足
 於牀下而垂釣於枕上也則其為水中無疑也宋
 時毛君友為郡守拆去之其自序曰昔人作亭於
 冷泉如明鏡中加繪畫山翠水光去者過半拂拭
 昔翳舊觀復還以斯而言則當時之亭之在水
 益無疑也或曰洪熙時大水岸崩土塞石闌俱廢
 水益隘後之為亭者遂不於水中而於隄上余問
 之故老亦無從而知之也則今之亭非昔之亭亦
 不知起於何時也梅詢冷泉亭詩古竇鳴幽泉蒼
 崖結虛宇六月期客遊披襟苦徂暑開窗弄清淺
 吹鬢疑風雨不見白使君煙蘿為誰語毛友冷泉
 亭詩面山取勢俯山中亭外安亭自蔽蒙眼界已
 通無礙物胸中陡覺有真空試尋櫓響驚時變卻
 聽猿啼與舊同萬事須臾成壞裏我來閱世一初
 終曹旣明冷泉亭詩朱簷日靜軒窗冷碧嶂雲低
 草樹香山影倒沉波底月夜闌相對瀉寒光董嗣
 杲冷泉亭詩小朶峰前玉鏡寒幾回倚杖聽潺湲

箕公飲澗非凡水慧理呼猿是此山亭角靜依金
 利古樹身涼臥石闌閒無因可洗人閒熱時御清
 風照影還白甌冷泉亭詩靈山本清淨一泉滄其
 中靈山孤飛來此水得無同山影壓不盡照見天
 靈瓏分明千尺冰不獨疑寒蟲京洛多風塵到此
 一洗空炎寒無二心稟有操者風泊然守空梵萬
 劫無終窮驪山有溫泉曾築華清宮錢惟善游冷
 泉亭詩絺綌生涼坐酒醒暫於樹底弄清冷煮茶
 博士那知味覓句賓王尚有靈石上白雲終日濕
 洞中瑤草四時青我來不宿空歸去夜夢廬山漱
 玉亭張新標令泉亭詩千峰礙日樹參天望入空
 亭已冷然雨後正逢飛瀑急泉聲百道不聞喧張
 文燿冷泉亭詩明月印虛亭澄潭落峰影久坐易
 羅衣非關秋氣冷王修玉冷泉亭詩流泉汨汨激
 蒼苔石上孤亭向水開一徑松
 陰人跡絕黃猿呼子過橋來

湯莊

在靈隱寺西舊為明副使包涵所別墅原名

青蓮山房倚蓮花峰跨曲澗深巖峭壁掩映林麓

閒臺榭之美冠絕一時外以石屑砌牆柴根編戶

內則曲房密室行其中者宛轉不能即出今雖易

主而人猶稱包氏北莊

陳繼儒青蓮山房詩名園極華麗反欲學村莊編戶

留柴葉磊牆帶石霜梅根常塞路溪水直穿房覓
 主無從入裴徊走曲廊主人無俗態築圃見文心
 竹暗常疑雨松吟自帶琴牢騷寄聲伎經濟儲山
 林久已無常主包莊說到今傳揆重暮春遊靈隱
 過包家園詩桃花風過春欲老柳陰一路啼嬌鳥
 明湖聖湖纖雲浮南峰北峰碧波繞金沙的皜明
 野袍湖風吹鬢寒蕭蕭行過松陰入九里聽徹漁
 歌十二橋策杖轉行轉深徑半空隱隱鳴金磬試
 投覺路破沈冥頓割煩襟入清淨韜光旭日射海
 門滿湖嵐氣生雲根布地金繩光照面舊是祇洹

長者園飛來峰起洞門下石磴盤盤接車馬合澗
 橋邊水勢高哀湍急瀑望空瀉老僧攜我投山家
 蠅鳴石鼎嘗新茶亭臺樓閣列圖畫軒窗几席堆
 雲霞筠廊蘿洞春風別歌鳥眠花春夢歇雨餘澀
 徑翳蒼苔夜半空潭浸明月從來太古是青山青
 山知爾平生閒人間比似山更靜白石為扇松為
 關客來雙鶴忽起舞隔樹泉鳴若春雨坐聽琴筑
 細琤琤臥看煙雲互吞吐流水飛花處處春仙都
 往往來漁人可知身入桃源路何必相逢說避秦
 道人席地笑而語謂余不識來何許山深那知歲
 月遷但記花開人老矣嘗聞東海安期生採芝煮
 朮餐黃精白日飛昇去何所頗疑卽此逃其名一
 山兩山豁靈境大魚小魚浮玉井不見花開十丈
 蓮但見天香落空影萬箇琅玕攢綠雲曲欄篆繡
 蝸涎文珮聲鶴背下縹緲霞裙戍削雲中君雕亭
 徙倚日云暮三天龍象騰煙霧一聲粥鼓催去人
 兩袖松花落無數重尋歸路蒼林迷空山何處
 黃猿嘯壚頭沾酒不復飲乘月醉臥西湖西

今

為前翰林學士湯右曾別業中建

御書樓自題有連峰紫翠看皆好喬木風煙畫不如之

句

白雲山房 在飛來峰之西白雲峰下雍正元年前

廣東提學副使翁嵩年建中為白雲山房面蓮花

峰庭有巨石鐫古籀文曰毋石東南有畫舫榜曰

愛吾廬谷口鄭篋書前有小池盛暑不涸東有高

閣閣前湘梅綠萼數百株花開極盛東南北三面

皆溪流環繞又東有書室二楹與高閣相並東北

為樓四面見山題曰得樹環山樓前有池澄渟不
 竭大抵屋皆南向而就其地勢高下盤旋往復結
 構疏密或整或斜中多牡丹松桂梅竹桃杏皆嵩
 年手植也趙昱九日過白雲山房詩風流者舊遠
 盡日掩秋堂野水落寒石亂山低夕陽
 白雲從過眼黃菊又初霜空有琴書在塵封已半
 牀汪坤秋日小憩白雲山房詩乳竇峰前路秋聲
 入徑聞寒泉千磴落翠竹半窗分石瘦堆黃葉山
 深貯白雲結廬塵境遠坐到斜曛陸秩白雲山
 房詩卜築依靈鷲軒檻在翠微竹聲圍石几僧影
 到山扉白髮人真澹青山願未違一枝如可借欲
 息漢陰機祝世駿白雲山房詩白雲深處掩蒼苔
 文練垂窗面面開曲水暗流花徑去奇峰都抱小
 樓來愛晴拭几頻看畫掃榻留賓漫舉
 杯最好萬竿修竹上一層青翠飯猿臺

吳山路

大觀臺 在吳山絕頂石面砥平方廣如削遠矚江

波近挹湖淥羣山環繞如列障上為亭奉

聖祖仁皇帝御製詩勒石其中

詳名勝

巫峽峰青亭 在吳山火德廟內有石筍十二高數

丈玲瓏瘦削如山峰離立各以象名曰筆架曰香

爐曰碁盤曰象鼻曰玉筍曰龜息曰盤龍曰劍泉

曰牛眠曰舞鶴曰鳴鳳曰伏虎舊稱巫山十二峰

上為斗姥閣雍正六年總督臣李衛建亭題曰巫

峽峰青

鍾翠亭

在三茅觀南磴道之上明萬曆間司禮孫

隆建

李式玉鍾翠亭詩鍾翠亭前獨倚欄玉皇縹

瀟五雲端峰頭白鶴仙人路松下朱旛太乙
壇兩地江山時自隔一城霜雪歲將殘海門又報
潮聲起翹首東來匹練寒王修玉吳山鍾翠亭晚
望詩翠障丹梯不可攀徘徊獨步石欄間斜陽半
入中峰寺殘雪猶明隔岸山鴻鴈遠衝孤戍沒江
流遙帶斷冰還蒼茫暮色
渾無盡極目重城欲上關

吳園

在吳山舊為某氏園山陰張元忭徒其棟礎

別造寄園怪石奇峰古松茂柏不能將去商山吳

氏售其棄地依山就樹結構為園堦前一石狀若

芙蓉為風雨所墜半入泥沙較之寓林奔雲尤為

茁壯

片石居

倪氏別業在吳山之麓中有舫亭其下即

石龜巷依山勢為曲折饒梅竹之勝

丁仙亭

在瑞石山紫陽庵內仙人丁野鶴蛻骨於

此明正統間道士范致虛建

詳寺觀

紫陽別墅

在紫陽山康熙四十二年運使高熊徵

捐建顏曰紫陽別墅以其地為紫陽山麓適與新

安之紫陽同名遂以別墅別之其中為樂育堂奉

朱子位堂後有簪花閣有五雲深處講堂東爲近水樓南宮舫瀛洲樹生徒於此弦誦焉又折而東爲春草池爲垂釣磯爲看潮臺爲別有天爲尋詩逕循逕而入層梯疊巘躡其巔爲巢翠亭遠矚錢塘聖湖如在襟帶其他如小瞿塘石蕊峰梧桐岡鸚鵡石筆架峰螺泉葡萄石諸勝皆巖石瘦削壑谷深靚歲延耆宿主講席朝稽夕考一秉鹿洞規則雍正三年寧紹分司徐有緯捐俸重修七年總督臣李衛改巢翠亭爲文昌閣

邱園 在瑞石山麓邱聞詩別業

宣園 在瑞石山麓石壁倚天古木虜蔽泉不盈丈清冽見底盛夏不涸

倪園 在清平山廣文倪石鯨別業

西溪路

西溪山莊 在東嶽廟之西由思過橋入徑古梅翠竹夾岸排立外環河水澄澈可鑑稍北有亭曰花宇度石橋有六角亭曰放鷗過西則松梅藤竹益復奇古有屋曰竺西草堂堂之南有亭曰古香又

進曰一枝巢旁小石兀立合形構宇曰曳霞軒又
 東曰抱孫居又北曰臨流草堂門環曲水貞木閒
 之旁有屋曰獨醒齋又西南曰撚花書屋過一枝
 巢曰自在窩面清池三四畝兩岸梅益蒙密有屋
 曰保丹齋又東木香十數架與梅竹互植進此曰
 後喻有小樓曰雲心閣樓西下梧竹環列曰來鳳
 軒其上曰皆春閣小屋曰嘯月嘯月之西曰桐蔭
 山房山房西小墻內栽怪松數百本有門曰北峙
 度小石橋有亭曰嘉植亭極宏敞遠可四望復饒

桃李之勝沿池疊石被以牡丹有亭曰鼻功德外
 顏曰自得泉又北梅石池島更益前觀有木橋曰
 西園有門曰柳暗花明又一村牆內屋曰聽松曰
 和鳴書屋計地廣七十畝池半之梅約五六百本
 原戶部郎中華亭張彙別業
 高莊 在西溪康熙三十八年

聖祖仁皇帝南巡臨幸西溪由昭慶寺乘馬至木橋頭登
 舟從騎盡止橋外獨與內大臣泛小舟至其莊觀
 覽久之因

賜五言詩并

御書竹窗二字

高士奇扈從由昭慶寺乘馬至木橋頭泛小舟

賜幸西溪山莊恭紀詩華騶駐野橋芝蓋停山路漾舟入

隈隩仄徑紆

仙步修竹遮蔭覆老梅自盤互嵐光異昏曉鳥聲變新故

劉瀏吹面風泣泣沾衣露溪上舊柴桑乃邀

天子顧厥壤饒筍魚原禽有雉兔乍春開總翠驟暖落繁

素登閣延

宸覽賞逐雲煙暮感此不世遭山靈式王度高士奇

聖駕臨幸西溪山莊

賜五言詩并

御書竹牕二字恭紀詩渚水灣環路淺深何期

聖主一登臨勾陳暫駐溪橋外朗曜能迴澗壑陰雪蘂煙

梢光

睿藻竹窗梅岸洽

宸襟

恩輝振古真誰並珉石難鐫感激心舊業重編枳棘籬漁

村瀆樸只茆茨松齋藥畹何曾有嵐氣榛煙且是

宜弱草長承垂露葉寒花盡發向陽枝何當

玉趾經過地千載流傳際會奇

汪莊 在西溪汪元亮別業後歸少詹事邵遠平子

錫榮扁曰就山堂面臨大池繞池古梅數百本有

小亭曰半弓堂前綠萼花一枝古幹成香片若虬

龍夭矯青枝倒垂形如飛鳳花開時儼如雪翅西

溪園林皆有梅而奇古可愛自永興寺綠萼而外

此梅實爲之冠

洪園 在西溪明刑部尙書洪鍾別業其餘地已屬

他姓惟小邱尚存山石玲瓏奇樹森蔭尚可登眺

吳任臣游洪氏園詩秋憲當年賦遂初槿籬茅屋樹扶疏一溪香雪長攜屐滿院蘿陰正讀書乍可山如人影澹無妨月照夜臺虛荒煙此日迷花塢十笏模糊指舊廬

陸莊在河水之北去秦亭山二三里錢塘陸階嘗

奉母居此方廣六十餘畝四面皆水非舟弗通由

短橋穿竹徑延緣而入為莊門入門為堂三楹扁

曰白鳳書齋東進為屋數椽繞以回廊面臨方池

池左右竹木蒙密題曰種竹養魚之軒西有舫室

臨半月池為讀書處莊內種植多桑竹梅杏瀕河

屈曲環以竹籬亦稱清幽之地莊前後為駱家莊

而陸莊據其中遙望村居煙火數十家若斷若接

一時名流多詩以紀之毛先舒過陸莊詩修竹編籬席掛門先生風節此中

存曾經患難名尤重只愛幽棲道更尊詩廢蓼莪衫迸淚樓空花萼墨留痕陸莊舊隱猶追憶應似蘭成賦小園蟹舍魚莊膝易安避鷺有路不多寬板輿奉侍潘懷縣蔬圃逍遙陸務觀閱世棋從閒處着卜居占向靜中看於今未改煙霞癖矍鑠磻溪理釣竿

北山草堂在河渚前安令慈谿鄭羽達別業汪沆過鄭

雪厓明府北山草堂詩絕好風亭與水軒攤書長日寂無喧客來不憚谿行遠一路梅花引到門

西湖志卷之九

總校董紹舒分校

王彥起
吳鳳階
校

